

ONFICIUS: PEMIMPIN
KUNCI PENGURISAN

WAWASAN 2020: KE ARAH
MASYARAKAT YANG KREATIF

MEI 1991

ديوان
مشاركة

DEWAN MASYARAKAT



Laporan Penyiasatan
SHAMSHIAH FAKHRI

BERJUANG
MENENTANG
PENJAJAH





SIAPA SEBENARNYA SHAMSIAH FAKIH?

Oleh FATINI YAACOB

Laporan Penyiasatan ini cuba mencari jawapannya. Usaha ini rupa-rupanya tidak semudah yang disangka. Rasa marah dan benci terhadap Shamsiah Fakhri masih menghantui banyak orang; walaupun pada satu ketika sejarah juga telah mencatatkan Shamsiah Fakhri adalah nasionalis tulen yang sanggup mati menghalau penjajah demi bangsa dan negaranya. Laporan Penyiasatan ini tidak lebih daripada hanya ingin memaparkan yang hitam dan yang putih tentang Shamsiah Fakhri seadanya.

BAGI kebanyakan orang, Shamsiah Fakih adalah nama yang dibenci, didendami tetapi dikagumi. Segelintir sahaja yang menghargai dan menyayangi. Shamsiah Fakih mengukir legenda selama 42 tahun! Marah, benci, dendam, gerun, hairan dan tertanya-tanya... Mengapakah Shamsiah yang berasal daripada keturunan yang dihormati, seorang ustazah yang dikatakan boleh mentafsir 30 juz *al-Quran* dengan baik, teguh akidahnya, tegas pendiriannya membela agama, bijak dan petah berbahas atas kebenaran, boleh terpesong kepada komunis yang antiagama?

Mengapakah Shamsiah yang sanggup mengorbankan empat perkahwinannya semata-mata kerana cintakan negara dan bangsa, rela menderita kerana mahu mengusir penjajah dari bumi Malaya, sanggup terus bersekongkol dengan komunis walaupun penjajah telah tiada dan bumi Malaya telah merdeka?

Di manakah silapnya? Apakah yang dicarinya? Apakah puncanya? Dan mengapa hanya kini dia mahu kembali, mengapa tidak dahulu sewaktu pengampunan ditawarkan? Hanya Shamsiah Fakih yang dapat menjawab.

Untuk generasi muda: segala yang akan kami paparkan secara bersiri tentang Shamsiah Fakih ini mudah-mudahan akan menjadi pengajaran. Untuk generasi tua: tulisan ini tidak bertujuan untuk mewirakan Shamsiah. Segalanya untuk renungan dan bahan kajian.

Shamsiah Fakih bukanlah nama sebenarnya. Fakih bukan nama bapanya atau nama suaminya dan bukan juga nama samaran Shamsiah. Nama penuh Shamsiah sepatutnya dieja – Shamsiah binti Sutan bin Sulaiman. Dari mana datangnya Fakih?

Fakih merupakan gelaran bagi orang yang berpendidikan agama yang mendalami ilmunya dalam bidang fikah. Gelaran ini adalah untuk bapanya – Sutan bin Sulaiman keturunan Minangkabau berasal dari kampung Sumpu Padang, Sumatera dan bukan untuk Shamsiah.

Sutan bin Sulaiman memperolehi gelaran ini setelah tamat belajar di sebuah sekolah agama di Padang, Sumatera Barat. Untuk menyandang gelaran ini tidaklah mudah. Tidak sekadar mendalami bidang ilmu fikah tetapi juga penghayatan terhadap ilmu tersebut dan amalannya turut diambil kira.

Sesuai dengan tahap keilmuannya dan hakat kepimpinannya, orang-orang seperti beliau digalakkan oleh guru-guru mereka supaya menjalankan tanggungjawab dakwah – menyebarkan syariat Islam ke seluruh pelosok bumi.

Mereka diingatkan bahawa ilmu yang ada adalah untuk disebar dan dimanfaatkan – bukan untuk disimpan dan dilupakan. Ilmu yang berkat adalah ilmu yang disebarkan.

Mereka juga diingatkan tentang sunnah Rasulullah dalam mencari rezeki. Sembilan persepuluh rezeki berada dalam bidang perniagaan. Oleh itu pesan gurunya, “Hidupkanlah keluargamu dengan rezeki halal daripada perniagaan dan suburkanlah agamamu dengan ilmu dan amalan”.

Berbekalkan pesanan guru-gurunya, Fakih Sutan bin Sulaiman mula mencongak dan mencorakkan masa depannya. Kalau tinggal di kampungnya sahaja tidak ada salahnya. Masalahnya dia belum menyahut seruan gurunya.

Walaupun boleh berdakwah di sekitar sekolah agama dan kampungnya, itu masih belum cukup mengikut kriteria ‘dakwah’ yang dihasratkan oleh guru-gurunya.

Sebagai murid yang baik dan menjadi contoh dia tahu semua mata bertumpu kepadanya. Mereka mengharapkan dia dapat memikul tanggungjawab dakwah yang lebih jauh dan bermakna seperti kawan-kawannya yang berjaya sebelum ini.

Dia memperkuat tekad. Dia harus berani menerima cabaran hidup dalam berdakwah. Dia tidak boleh mengalah sebelum mencuba.

Setelah difikirkan masak-masak, Fakih memutuskan untuk menyahut cabaran guru-gurunya. Dia percaya dia akan berjaya berdakwah dan selagi hidup merantau. Kalau asalnya beliau yang baik, jatuh ke laut akan menjadi lautan. Di mana bumi dipijak di situlah la-



Fakih Sutan atau 'Fakih Godang'

ngit dijunjung.

Kini tekadnya sudah dibulatkan. Biar apa pun rintangan selama hidup di rantau orang dia tetap akan tabah menghadapi.

Walaupun berat hati untuk meninggalkan kedua-dua ibu bapa dan adik-adiknya yang masih kecil Fakih Sutan tidak ada pilihan lain. Dia terpaksa meninggalkan keluarganya – kedua-dua ibu bapa dan lima adik perempuannya.

Dia menyerahkan keselamatan keluarganya kepada Allah s.w.t., dan dia sangat yakin Allah akan bersamanya.

Walaupun kedua-dua ayah bondanya berat untuk melepaskannya, namun mereka menahan perasaan kerana tanggungjawab orang-orang berilmu bukanlah perkara kecil dan bukan lagi urusan kedua-dua ibu bapa. Mereka sepatutnya merestui pemergian ini.

Pada suatu pagi yang cerah, kira-kira pada tahun 1917 – dengan hati yang berat tetapi rela – kedua-dua mereka melepaskan Fakih Sutan merantau – membawa nasib ke negeri orang. Pesanan mengiringinya – “Pandai-pandailah membawa diri di rantau orang. Dan jangan lupa Allah”.

Fakih Sutan memeluk cium kedua-dua ibu bapanya. Dia menyalami adik-beradik-nya sebelum berlalu meninggalkan mereka. Sungguh sayu rasa hatinya mahu meninggalkan kampung halaman dan keluarga tercinta. Terutama adik-adiknya yang masih kecil dan mengharap bantuaannya.

Ibunya mengiringi pemergian Fakih Sutan sambil menahan air mata, sehingga hilang daripada pandangan. Ibu mana yang tidak sedih melihat anak yang dididik dan dijaga siang dan malam kini akan berjauhan.

Walaupun timbul keraguan di hatinya – terjagakah makan minum Sutan nanti, di manakah nanti tempat tidurnya, selamatkan hidupnya di tempat orang, dan bermacam-macam lagi bermain di dalam fikiran, namun dilawan perasaannya.

Hanya pada Allah dia berserah semoga Fakih Sutan selamat ketika mengharung samudera dan selamat menempuh hidup sendirian di tempat orang.

Dengan berbekalkan beberapa buah kitab dan sedikit makanan kering bekalan ibunya, Fakih Sutan menumpang bot menuju ke Kelang. Fikirannya melayang jauh mencongak-congak hari depannya. Apakah nasib yang akan ditempuhnya – selamatkan dia di negeri orang nanti?

Bolehkah dia hidup di bumi asing itu? Walaupun Tanah Melayu itu serumpun dengan Indonesia dan ramai kawan-kawannya telah berjaya di sana, namun itu masih belum cukup menjamin apa-apa untuk dirinya. Dia masih ragu-ragu.

Fakih Sutan melayan fikirannya sehingga tertidur. Dia terkejut apabila bahunya ditepuk orang. Seorang kawan sekolahnya menyedarkan dia daripada lamunan. Kawannya itu menceritakan perihalnya yang sudah sekian lama mencari rezeki di Tanah Melayu.

Fikirannya sedikit tenang. Kini dia tidak lagi gundah memikirkan nasibnya dan penerimaan orang di tanah asing itu. Kebetulan pula kawannya itu mempelawa beliau untuk menumpang di rumahnya buat sementara waktu. Dalam malu-malu dan berat hati dia menerima pelawaan kawannya itu.

Kawannya menetap berdekatan dengan pekan Setapak, sebuah pekan di daerah Kuala Lumpur. Pekan yang maju dan berkembang pesat ini memberikan ruang kepada Fakih Sutan untuk memikirkan apakah bentuk perniagaan yang akan dijalankan.

Hari pertama dihabiskannya dengan meninjau bentuk-bentuk perniagaan yang ada di sekitar pekan tersebut. Fakih Sutan melihat kedai-kedai yang menjual kitab-kitab, jam, songkok dan peralatan sembahyang amat berkurangan.

Dengan sedikit modal yang dibekalkan oleh ayahnya, Fakih Sutan mengorak langkah pertama. Dia membuka perniagaan menjual barang-barang tersebut di kaki lima sebuah kedai Melayu kerana sukar dan mahal untuk mendapatkan ruang perniagaan bagi orang-orang yang merantau sepertinya.

Dari hari ke hari perniagaannya berkembang baik, walaupun dia terpaksa berpindah-randah dari satu kaki lima ke kaki lima yang lain. Fakih Sutan mengatur jadual hariannya dengan baik; sehingga beliau dapat meluangkan masa pada waktu selepas asar dan selepas maghrib mengajar di surau berdekatan dengan rumah yang dikongsi bersama-sama kawannya itu.

Setiap hari jadual hariannya sama. Hingga dia tidak sedar sudah hampir dua tahun dia hidup di rantau orang. Kini dia tidak lagi menyewa di rumah kawannya. Dia sudah berpindah ke tempat yang agak selesa dan bilik yang agak luas.

Dia juga telah mengirim khabar kepada kedua ibu bapanya menceritakan perihai keadaannya di rantau orang; walaupun sunyi dan rindukan keluarga tetapi keadaannya selamat dan perniagaan yang dijalankan bertambah baik.

Bagaimanapun satu hari kerinduannya pada kampung halaman tidak tertanggung lagi. Fakih Sutan mengambil keputusan untuk pulang menjenguk keadaan keluarganya. Rupa-rupanya ibunya sakit. Dan kembalinya Fakih Sutan menjadi penawar yang amat mujarab kepada penyakit ibunya.

Fakih Sutan merawat ibunya dengan baik. Sebagai anak sulung ibunya mula memikirkan tentang nasib diri Fakih Sutan yang masih belum berkahwin. Suatu pagi ibunya, sambil tersenyum, bertanya Fakih Sutan tentang hajatnya untuk menimang cucu.

Fakih Sutan tersenyum. Dia tidak menyangka ibunya akan bertanya soalan seperti itu. Dia lalu mengatakan bahawa jodohnya belum ditemukan lagi. Ibunya memohon, sebelum dia meninggal, dia mahu melihat Fakih Sutan bernikah.

Fakih Sutan tidak menyangka demikian besar hajat ibunya. Demi menjaga hati ibunya yang sedang sakit, dia berjanji akan mencari pasangannya secepat mungkin. Dia berjanji tidak akan menghampakan permintaan ibunya.

Tetapi dalam masa yang sama dia terfikir bagaimana nak cara mahu mendapatkan wanita sebagai isterinya, padahal dia cukup pemalu dan jarang bergaul dengan wanita.

Setelah ibunya pulih dia meminta izin untuk kembali menjalankan tugasnya di Tanah Melayu. Oleh kerana telah berjanji dengan ibunya, Fakih Sutan terpaksa memberitahu kawan yang ditumpanginya dulu tentang hajat ibunya.

Kawannya tersenyum, "Ini kerja mudah sahaja. Jangan risau. Jelaskan sahaja pada aku wanita bagaimana yang menjadi pilihanmu?" Fakih Sutan tidak menjawab serta-merta.

Setelah didesak oleh kawannya itu barulah Fakih Sutan menjawab, "Carilah yang sederhana, tetapi yang penting mestilah baik pekertinya dan tahu agama".

Kawannya itu dapat membaca gambaran wanita yang diinginkan oleh Fakih Sutan. Sebagai orang alim, Fakih Sutan sudah tentu tidak terlalu pemilih. Yang penting dia mesti mendapatkan wanita yang beriman, baik budi pekertinya. Soal wajah bukan ukuran utama walaupun itu juga penting.

Selang beberapa minggu kawannya itu datang membawa khabar. Dia menunjukkan

Pada suatu hari yang ditetapkan, lebih kurang pada tahun 1919, berlangsung pernikahan Fakih Sutan dengan Sa Ama binti Nonggok dalam suasana yang meriah.

Sa Ama merupakan anak kedua daripada empat orang adik-beradik. Bapanya telah lama menetap di Kajang, Selangor—sebuah perkampungan yang memang dikenali sebagai perkampungan orang-orang Minang, yang berasal dari Sumatera.

Tidak berapa lama selepas pernikahan itu mereka berpindah dan menetap di Kuala Pilah, Negeri Sembilan. Datuk dan nenek

Sa Ama memberikan tanah pusaka untuk didiami oleh mereka berdua. Fakih Sutan turut memindahkan perniagaan kaki limanya.

Kemudian menambahkan perniagaannya dengan menjual ubat-ubatan yang dibuat sendiri olehnya daripada akar-akar kayu. Kerana perniagaan ubat-ubat atau kerana mujarabnya ubat buatannya ia terkenal di sekitar Kuala Pilah itu dengan panggilan Fakih Ubat. Beliau juga terkenal dengan gelaran 'Fakih Godang' kerana tubuhnya yang besar. Tidak ada orang lain sebesar beliau di Kuala Pilah.

Di samping itu Fakih Sutan terus mengajar penduduk Kuala Pilah dengan ilmu-ilmu Islam. Beliau tidak sekadar mengajar tetapi juga membawa pembaharuan daripada segi pendekatan ilmu dan ibadah dalam Islam. Beliau merupakan salah seorang yang turut menyebarkan fahaman yang disifatkan sebagai ajaran 'kaum muda' di Tanah Melayu pada masa itu.

Fahaman ini menganjurkan kepada masyarakat Islam supaya berpandangan jauh dan terbuka terutama dalam menjalankan ibadat-ibadat khusus dan tidak menyempitkan kepada satu-satu mazhab sahaja. Fahaman ini bertenangan dengan Malaya yang

secara umumnya hanya mengambil mazhab Syafie sebagai rujukan.

Walaupun ada tentangan di kalangan masyarakat Kuala Pilah pada masa itu namun Fakih Sutan berjaya menambat hati penduduk-penduduk Kuala Pilah dengan budi bahasa dan hemah tingginya. Walaupun ada yang tidak menyetujuinya namun mereka hormat dan segan kepadanya.

Rumahtangga yang dibajai oleh kasih sayang, iman dan amal itu kelihatan bahagia dan tenteram. Pada tahun 1921, mereka suami isteri dikurniakan Allah seorang anak lelaki bernama Mohammad Nordin.



Sa Ama bt. Nonggok – ibu Shamsiah.

gambar seorang wanita. Latar belakang keluarga wanita itu yang juga berasal dari Padang, Sumatera menarik minat Fakih Sutan. Lebih-lebih lagi keluarga wanita itu daripada orang yang berpendidikan agama.

Fakih Sutan kemudian menerima wanita anjuran kawannya itu. Keluarganya di Padang Panjang diberitahu. Mereka membawa rombongan meminang dan menetapkan hari perkahwinan. Keluarga terutama ibunya, sangat berbesar hati dengan wanita pilihan Fakih Sutan. Apatah lagi bila mengetahui nenek dan datuk wanita itu berasal dari tempat yang sama.

Rumahtangga yang bahagia itu bertambah seri dengan kelahiran puteri sulung mereka pada tahun 1922. Fakih Sutan sungguh gembira dengan kurniaan Allah ini. Allah telah mengurniakan beliau dengan anak daripada kedua-dua jantina – lelaki dan perempuan, sebagaimana yang dihajatnya yang bererti 'payung yang menaungi matahari'. Anak perempuan ini diberi nama Shamsiah.

Tahun-tahun seterusnya Allah mengurniakan lagi mereka dengan dua lagi anak lelaki – Ramli dan Nasirrudin; kemudian empat orang perempuan – Rabiah, Darwisah, Nuraminah dan Nurbaiti; menjadikan semua mereka lapan orang adik-beradik.

Di antara lapan orang adik beradik ini, Shamsiah dan Mohammad Nordin kelihatan rapat umurnya memisahkan mereka berdua agak jauh daripada enam adik-beradik yang lain.

Seperti anak-anak perempuan yang lain yang lazimnya rapat dengan ayah mereka, demikianlah Shamsiah. Shamsiah menjadi anak kesayangan ayahnya. Sebelum kedatangan adik-adiknya yang lain Shamsiah dibelai dan ditatang bagai minyak yang penuh oleh ayahnya.

Ini tidak bermakna kasih sayang ayahnya berkurangan untuk anak-anak yang lain. Hanya kerana Shamsiah satu-satunya anak perempuan di antara tiga lelaki, sebelum lahir adik-adik perempuannya yang lain, maka dia mendapat perhatian yang istimewa.

Selain rapat dengan ayahnya Shamsiah juga rapat dengan adik lelakinya Ramli. Ramli seringkali menjadi teman ke mana sahaja Shamsiah pergi, kerana ayahnya sangat mengambil berat masalah keselamatan anak perempuan pertamanya ini.

Fakih Sutan membesarkan anak-anaknya dengan penuh disiplin dan tanggungjawab. Semua anak-anaknya disekolahkan dan diberi didikan agama yang kukuh sejak kecil lagi. Baginya tiada gunanya gelaran dan ilmu yang ada padanya sekiranya anak-anaknya tidak dibentuk dan dididik dengan budi pekerti yang mulia dan iman yang kukuh.

Pada zaman itu – zaman kebanyakan orang memandang wanita tidak perlu ke sekolah, cukup sekadar di dapur dan menjaga anak, Fakih Sutan mempunyai pandangan yang berbeza.

Beliau memecahkan tradisi itu. Fakih Sutan menyekolahkan Shamsiah dan

menggalakkannya belajar hingga setinggi mana yang boleh.

Dia tahu kewajipan menuntut ilmu di sisi Islam adalah ditujukan kepada kedua-dua jantina – tanpa perbezaan di antara lelaki dan wanita.



Haji Ramli Fakih – adik lelaki yang sering menemani dan rapat dengan Shamsiah.

Oleh itu sejak dari kecil lagi, sewaktu kawan-kawan sebayanya banyak yang masih bermain masak-masak atau membuai anak patung kain, Shamsiah sudah ke sekolah. Di peringkat awal, Shamsiah dimasukkan oleh ayahnya ke Sekolah Melayu, Kuala Pilah.

Sejak kecil lagi Shamsiah telah menunjukkan kecerdikan dan kerajinan untuk belajar. Shamsiah sering merujuk kepada ayahnya setiap kali dia menghadapi masalah dalam pelajarannya.

Minatnya yang mendalam dalam membaca dan belajar menjadikan Shamsiah semakin disayangi oleh ayahnya. Kelebihannya dalam menghayati pelajaran dan kerajinannya dalam mengulangkaji menjadikan Shamsiah berbeza daripada abang-abang atau adik-adiknya yang lain.

Menurut adiknya Haji Ramli, sejak kecil lagi dia mengenali Shamsiah sebagai seorang yang paling kuat membaca. Seringkali masa terluang pada sebelah petang apabila balik dari sekolah digunakan untuk membaca.

Shamsiah juga menurutnya adalah manusia yang lembut tetapi keras hati. Dia akan bermati-matian mempertahankan perinsipnya sekiranya dia tahu bahawa dia benar.

[Bersambung bulan hadapan]

Mengapa Shamsiah Tidak Boleh Kembali?

Siapa tidak kenal Shamsiah Fakih? Siapa yang tidak tahu bagaimana dia popular? Dia dikenali di mana-mana. Dia mengukir namanya dalam sejarah negara dengan gayanya yang tersendiri. Dia memilih untuk menjadi seorang komunis. Dan dia diingati dengan cara yang memedihkan – dibenci dan didendami.

Apakah dia memasuki komunis dengan rela atau terpaksa, tiada siapa yang tahu. Namun semua golongan generasi lama yang melalui zaman pendudukan Jepun dan zaman kebangkitan semangat nasionalisme

Melayu tidak mungkin melupakannya.

Semua pihak yang merasakan pahit maung hidup pada zaman keganasan komunis dan darurat mungkin tidak sekali-kali akan memaafkannya.

Shamsiah Fakih telah mencipta legendanya sendiri. Legenda benci dan dendam di hati anak bangsa di tanahairnya sendiri. Apakah memang itu yang diimpikan dalam perjuangannya selama ini?

Itulah yang kita tidak tahu tentang Shamsiah.

Yang kita tahu Shamsiah menyatakan

keinginannya untuk pulang. Dia merindui tanahairnya sendiri. Dia mahu mati di bumi kelahirannya. Katanya, dia sudah lama berhenti menjadi anggota komunis. Dia sudah serik. Dia mahu diampunkan oleh kerajaan. Untuk dapat kembali, dia rela ditahan atau dipenjarakan di sini.

Katanya, komunis dan negara China kini sudah tidak membawa apa-apa makna lagi kepadanya. Tanah Melayu, yang kini Malaysia, seperti melambai-lambainya. Dia mahu segera kembali dan mati di sana.

Kecuali keluarganya, rayuan Shamsiah tidak semudah itu diterima baik. Reaksi daripada pelbagai pihak yang rata-ratanya negatif tidak memungkinkan Shamsiah semudah itu kembali.

Melalui penyelidikan yang dibuat, sejak berita Shamsiah merayu untuk kembali ke Malaysia disiarkan di akhbar, pelbagai pihak telah memberikan reaksi. Himpunan daripada reaksi yang pelbagai ini boleh dilihat di dalam Jadual A.

Kesimpulan daripada reaksi itu keseluruhan menunjukkan bahawa Shamsiah hanya boleh kembali dengan bersyarat. Hukuman yang setimpal dengan kesalahannya mestilah dikenakan terhadapnya. Dia tidak boleh sewenang-wenang pulang seperti orang yang tidak bersalah.

Ternyata kesan dendam dan marah di kalangan rakyat terhadap beliau bukanlah sedikit. Namun, daripada hasil penyelidikan yang dibuat, kecaman dan reaksi negatif kepada kembalinya bekas Komander Regimen ke-10 Encik Musa Ahmad ke tanahair pada bulan November 1981 tidak langsung jelas kelihatan.

Jikalau dikira daripada segi logiknya – mengapakah Shamsiah mendapat tentangan hebat daripada masyarakat, juga kerajaan? Adakah kerana beliau yang pada mulanya mencari saudara melalui akhbar *Utusan Melayu* dan kemudian merayu untuk pulang juga melalui akhbar, menyebabkan beliau ditentang?

Sekiranya Shamsiah dibawa kembali ke tanahair sama caranya seperti Musa dan isterinya, agaknya tidaklah kedengaran begitu kuat tentangan terhadap hasrat beliau.

Dalam menjalankan penyelidikan terhadap Shamsiah ini kami membuat andaian-andaian ini:

* Kegagalannya untuk kembali dan tentangan yang diperolehinya hanyalah kerana persoalan 'cara'.

* Kerajaan terpaksa melayani kehendak masyarakat untuk tidak membenarkannya pulang, walaupun dalam masa yang sama kerajaan Malaysia mahu dikenali sebagai kerajaan yang pengampun.

* Shamsiah akan dibenarkan kembali apabila keadaan reda dan masyarakat tidak lagi memperkatakan tentang isu ini. ●

Rajah ini adalah berdasarkan penyelidikan penulis.

Jadual A: Reaksi Terhadap Kepulangan Shamsiah Fakhir

Nama Individu/ Persatuan	Bawa Balik Bersyarat/ Dihadapkan Ke Mahkamah	Ditahan/ Hukuman Setimpal	Bawa Balik Tanpa Syarat	Tidak Layak Balik
1. Datuk Megat Junid Tim Men Dlm Negeri	✓	✓		
2. Datuk Abu Hassan Omar Menteri Luar	✓			
3. Left Jen (B) Datuk Abdullah Shamsudin	✓			
4. Jen Tan Sri Hashim Mohd Ali	✓			
5. Tan Sri Samad Idris Bekas Wakil Rakyat K. Pilah			✓	
6. Tan Sri Abdul Hamid Bidin Pers Bekas Perajurit M'sia		✓		
7. En Abas Osman S/U Agung Persatuan Bekas Polis M'sia		✓		
8. Haji Shukur Nordin Tim YDP Pers Bekas Perajurit Pulau Pinang		✓		
9. Left (B) Aziz Talib Veteran Askar Melayu (1936)	✓			
10. En Abdul Kanan Ishak Persatuan Bekas Perajurit C Barat Daya	✓			
11. En Arsah Ayob Bekas Anggota Semboyan		✓		
12. Datin Paduka Hajah Rahmah Othman Bekas Tim Men Pengangkutan	✓			
13. Puan Rakibah Abd Manaf Wakil Rakyat Shah Alam	✓			
14. Puan Mazidah Zakaria Exco Perak	✓			
15. Datin Khadijah Pengerusi Puspita Wilayah	✓			
16. Haji Ramli Fakhir Adik Shamsiah Fakhir			✓	
17. Puan Nurbaiti Fakhir Adik Shamsiah Fakhir			✓	
18. Encik Yassin Kina Bekas Suami Pertama Shamsiah			✓	
19. Ludin Nongkok Bapa saudara Shamsiah			✓	

MEMO KEPADA PEMBACA

Laporan Penyiasatan Shamsiah Fakhri yang bermula pada bulan Februari lalu seperti yang diduga telah mendapat perhatian yang cukup besar. Pelbagai reaksi, baik yang menyokong atau menentang, telah banyak kami terima. Ada setengah-setengah pihak yang menyatakan rasa simpati dan merayu supaya Shamsiah Fakhri dibenarkan pulang ke tanah air. Keinginan Shamsiah Fakhri sendiri untuk kembali ke pangkal jalan, apatah lagi rasa keinsafannya yang mendalam, menurut mereka, perlu diberi pertimbangan yang wajar. Kalau Musa Ahmad, Ibrahim Baba, Wahi Anwar dan beberapa orang bekas anggota PKM yang lain yang terlibat dalam pemberontakan komunis dahulu dibenarkan bermastautin semula, mengapa kes Shamsiah ini dipencilkan?

Salah satu pendapat yang kami terima, iaitu daripada Tan Sri Samad Idris, memaparkan pengalaman beliau semasa ancaman komunis memuncak. Daripada pengalaman beliau, beliau merasakan ada kewajaran agar Shamsiah dibenarkan pulang. "Secara peribadi saya benar-benar merasakan sentuhan rasa yang memilukan apabila rayuan daripada rasa keinsafan yang mendalam seorang insan yang bernama Shamsiah Fakhri ini. Dia mengharap belas kasihan pihak berkuasa agar membenarkannya kembali dan ingin mati di tanah tumpah darahnya, lebih-lebih lagi dalam umurnya yang sudah meningkat tua." Apakah rasional di sebalik kenyataan Tan Sri Samad itu? Untuk tujuan itu, kami akan menyiarkan pendapat Tan Sri Samad pada keluaran bulan hadapan.

Di sebalik beberapa kewajaran itu, ada pihak yang mem-

persoalkan kejujuran dan keikhlasan Shamsiah Fakhri. Golongan yang kebanyakannya terlibat secara langsung mempertahankan negara daripada pemberontakan komunis ini, merasakan tidak ada sebarang kewajaran untuk membenarkan Shamsiah Fakhri menghabiskan sisa-sisa hidupnya di negara ini. Bagi mereka daturat selama 12 tahun telah meninggalkan kesan dan pengalaman yang amat pahit. Tempoh tersebut tidak pernah memberikan ingatan yang manis walaupun hampir 13,000 anggota komunis berjaya dibunuh. Pengorbanan beratus-ratus rakan seperjuangan yang terkorban lebih dirasai dan dihargai. Apatah lagi apabila mengingatkan perjuangan kental komunis yang "tidak mahu mengaku kalah" hatta telah meletakkan senjata sekalipun.

Persoalan yang rumit di sekitar peristiwa ini menuntut ketekunan yang luar biasa. Selama beberapa bulan Fatini Yaacob telah mengumpul dan menyusun maklumat untuk menulis cerita yang semakin tidak dimengerti oleh generasi muda kita.

"Untuk kepentingan sejarah bangsa dan negara, kita perlu membongkar cerita-cerita seperti ini. Walaupun telah banyak ditulis mengenai Shamsiah Fakhri, namun latar belakang siapa sebenar Shamsiah Fakhri tidak banyak ditonjol," kata Fatini. "Sebab itulah kami sedang berusaha untuk membuat kontak dengan Shamsiah agar mendapat luahan rasa daripada mulut beliau sendiri."



Fatini: Berusaha menghubungi Shamsiah.

NIK ZAINAL ABIDIN

DEWAN MASYARAKAT

Ketua Editor: SYED JAAFAR HUSIN

Editor Kumpulan: WAN OMAR AHMED (SUTUNG UMAR RS)

Editor: NIK ZAINAL ABIDIN HASSAN

Timbalan Editor: NOOR KHAIRIYATI MOHD. ALI

Editor Bersekutu: CHE MAZHAN AHMAD • ABDUL AHMAD
HAJAH SITI ZALEHA MOHD. HASHIM • MOKHTAR AHMAD
ASHIAH IDRIS • HASSAN ALIAS • ADNAN ABDUL MAJID

Unit Penyelidikan: FATINI YAACOB • NORLIA MOHAMED

SAITON NASIR • ZAHIDAN ABD. AZIZ

Star Penyelidik: RAZALI MOHD. SAAD • MIOR HAMZAH MIOR

HASHIM • HISHAMUDDIN MANSOR

SAITON ABU SAMAH • ZAHARUDIN ABD. RAHMAN

SADATUL MAHIRAN ROSLI • WARDATI MD. SHERIFF

Promosi/Kegiatan: FAIKHA ABD. KADIR (Ketua)

ABD. GHAFAR ABD. LATIP

Editor Kopl: MOHD. YUSOP ABDULLAH (Ketua)

MOHD. ARSHAD OTHMAN • NORZEHA KASBI

Pengelolaan Grafik: MOHD. SAID YAACOB (Ketua)

ABD. WAHID MOHD. ISA • ABD. RAHIM MUDA

ABD. GHAFAR BAHARI • MOHD. SABRI YUNUS • KAMARUL

KHAZIM SULAIMAN

Unit Pentadbiran: SALLEHUDDIN HASHIM (Ketua)

ZABIDI SULAIMAN • ZUHARA JAMALUDDIN

SITI MAANI BIDIN • NORIMI MOHD. ALI

SITI ZAHIA HADANI • NORLIDA AHMAD • HASSAN MD. TAHIR

Panel Ekonomi: DATUK DR KAMAL SALIH

(Pengerah Eksekutif MIER)

DATO' ABDUL KHALID IBRAHIM (Ketua Eksekutif dan Pengurus

Besar PNB) • PROF MOKHTAR TAMIN (Pensyarah Fakulti

Ekonomi & Pentadbiran Universiti Malaya) • MARTIN KHOR KOK

PENG (Pengerah Penyelidikan,

Persatuan Pengguna Pulau Pinang)

Wakil Luar Negeri: SHIGEKI KOBAYASHI (Tokyo, Seoul &

Beijing) • WAN A. HULAIMI (London) • A. RAHMAN ADNAN

(Berlin & Geneva)

Kolumnis: TAN SRI ABDUL AZIZ RAHMAN (Pengerah Urusan

MAS) • DATUK HJ HASSAN AHMAD (Wakil Tetap Malaysia ke

UNESCO) • MOHD SALLEH ABDUL MAJID (Pengurus Besar

BSKL) • RUSTAM A. SANI (Fellow kanan di Institut Kajian Strategik

dan Antarabangsa Malaysia) • SHAMSUL AMRI BAHARUDDIN

(Pensyarah Jabatan Antropologi dan Sosiologi UKM)

MOHD ZAID IBRAHIM (Presiden Persatuan Peguam-Peguam

Muslim Malaysia)

Dewan Masyarakat diterbitkan setiap pertengahan bulan sejak

September 1963, dan awal bulan mulai Jun 1986. © Hakcipta

terpelihara. Sidang editor berhak melakukan penyuntingan ke atas

tulisan yang diterima tetapi tidak mengubah isinya. Karya yang

diarkikan tidak semestinya mencerminkan pendapat dan sikap

Dewan Masyarakat. Karya yang dimuatkan boleh diterbitkan

semula dengan syarat ada persetujuan daripada Ketua Pengerah

atau Ketua Editor. Segala sumbangan yang dikirimkan, sama ada

diarkikan atau tidak, tidak akan dikembalikan. Sidang Editor juga

tidak bertanggungjawab terhadap kehilangan tulisan atau karya

yang dikirimkan melalui pos.



Ketua Pengerah: HAJI JUMAAT DATO' HAJI MOHD. NOOR

Timbalan Ketua Pengerah II: HAJI SHAARI ABDULLAH

Pengerah Penerbitan: HAJI ABU BAKAR MOHAMAD

Pengurus Perniagaan: HAJI MOHD. KAMMAL ZAINAL ABIDIN

Ketua Seranta/Kian: ABDUL RAHIM ESA

Ketua Pustakawan: ROHANI RUSTAM

Ketua Bahagian Rekabentuk: HASSAN ABDUL MAJID

Ketua Jurufoto: HAJI MOHAMAD ALI ZAKARIA

Penerbit: Dewan Bahasa dan Pustaka, Peti Surat 10803,

50926 Kuala Lumpur, Malaysia, Tel: 03-2481011,

03-2484211, 03-2481820; Fax: 03-2484208.

Pencetak: Harlan (Zulfadzli) Sdn. Bhd., 24, Jalan Usahawan,

Kawasan Perindustrian Setapak, Off Jalan Genting Kelang,

53200 Kuala Lumpur, Tel: 03-4218655, 03-4218675;

No. Fax: 03-4218645.

Urusan Langganan: Pengurus Kewangan,

Dewan Bahasa dan Pustaka,

Peti Surat 10803,

03-50926 Kuala Lumpur.

Tel: 03-2481011, 03-2484211, 03-2481169.

Wakil Iklan: MEDIAPLUS (M) SDN. BHD. 34A, Jalan SS 20/10,

Damansara Kim, 47400 Petaling Jaya, Selangor Darul Ehsan.

Tel. 03-7173552; Fax 03-7175370.

Pendidikan, Perkahwinan Dan Perceraian Shamsiah

Oleh FATINI YAACOB (Bahagian kedua)

Daripada hasil penyelidikan kami, Shamsiah Fakih rupanya mendapat pendidikan yang baik sejak kecil hingga ke peringkat tinggi. Hanya kerana Perang Dunia II meletus menyebabkan kemasukannya ke universiti terbantut. Perkahwinan pertama beliau pula berlangsung berdasarkan kerelaan terhadap pilihan suaminya. Dan perceraian berlaku kerana terpaksa. Penyelidikan kami juga menunjukkan Shamsiah terkenal kerana ilmu dan kepetahannya berhujah sejak



bersekolah di Kuala Pilah.

Kami juga harus merakamkan di sini tentang bagaimana sukarnya mendapat maklumat tentang masa kecil dan remaja Shamsiah, bukan sahaja kerana tidak ada bahan bertulis tentang beliau tetapi juga kerana tidak ramai yang tahu. Ustaz Hashim Ghani dan bekas suaminya Mohd. Yassin Kina merupakan orang yang paling banyak membantu kami mendapatkan maklumat tentang Shamsiah.

Masa kecil Shamsiah penuh warna-warni. Hidupnya dilimpahi kasih sayang selaku anak perempuan yang dimanjai ayah. Walaupun keluarganya tidak mewah namun kehidupan mereka tidaklah susah. Shamsiah boleh mendedahkan apa yang diinginkannya seperti kanak-kanak lain yang sebayanya.

Sejak kecil Shamsiah ternyata mempunyai kegemaran yang berbeza daripada kanak-kanak lain. Dia gemar menghabiskan masa lapangnya dengan membaca. Dia juga aktif dan suka bertanya.

Shamsiah juga rapat dengan ayahnya. Shamsiah rajin mengekori ayahnya ke mana-mana sewaktu tidak bersekolah – kadang-kala berniaga ubat atau ke kedai. Shamsiah sering berteleku di samping ayahnya membaca kitab atau mengaji al-Quran. Dia suka mendengar perbualan dan pandangan ayahnya tentang persoalan apa apabila ada orang berkunjung ke rumah mereka meminta nasihat.

Kebiasaan bersama ayah ke mana sahaja membentuk Shamsiah mempunyai minat yang sama dengan ayahnya. Shamsiah berbesar dengan semangat suka bertanya dan cintakan ilmu. Beliau yang ketara sejak dari kecil ini, membuatkan ayahnya menaruh harapan yang besar terhadap masa depan Shamsiah. Beliau mahu melihat Shamsiah maju dalam pelajaran. Dia akan memastikan Shamsiah ditempatkan di sekolah yang baik yang boleh memupuk kecerdikannya dan beliau sebagai seorang pemimpin.

Fakih Sutan berhasrat benar agar Shamsiah dapat menjadi penggantinya

kelak – sudah tentu sebagai pengganti yang lebih baik dan lebih berwibawa daripadanya dalam bidang agama, walaupun Shamsiah anak perempuan.

Shamsiah Belajar ke Sumatera

Fakih Sutan telah melihat keadaan persekolahan pondok di Tanah Melayu pada tahun-tahun 30-an. Baginya sukatan pelajaran sekolah-sekolah pondok di Tanah Melayu pada masa itu tidak cukup dinamik dalam menanamkan semangat nasionalisme dan perjuangan kemerdekaan. Untuk menghantar Shamsiah ke sekolah Inggeris jauh sekali kerana sikap antipenjajahnya yang tebal. Oleh kerana dia berasal dari Sumatera dan tahu selok belok pengajian sekolah-sekolah agama di sana, Fakih Sutan bercadang mahu menghantar Shamsiah ke sana sebaik sahaja Shamsiah menamatkan pengajian rendah sekolah Melayunya.

Pada tahun 1937 Shamsiah yang ketika itu berumur 13 tahun bersama adiknya Ramli yang berumur 7 tahun dibawa oleh ayahnya balik ke kampung halaman keluarga ayahnya di Padang, Sumatera.

Fakih Sutan menyekolahkan Shamsiah di sekolah agama Rahmah al-Yunusiah di Padang Panjang, Sumatera Barat. Shamsiah tinggal di asrama sekolah tersebut. Sementara Ramli tinggal bersama bapa saudaranya Ripin, adik kandung Fakih Sutan.

Ramli yang masih kanak-kanak, bersekolah agama di sebuah sekolah khas untuk kanak-kanak sebayanya di sana. Selain daripada belajar di sekolah itu, tugas Ramli adalah sebagai peneman kepada kakaknya.

Ayahnya begitu khuatir tentang keselamatan Shamsiah, sehinggakan adiknya yang kecil itu pun disuruhnya menjadi peneman.

Sekolah agama Rahmah al-Yunusiah pilihan Fakih Sutan untuk menyekolahkan Shamsiah ini, sebenarnya merupakan sekolah yang masyhur dan terbaik di Sumatera dalam mendidik dan menanamkan semangat nasionalisme di kalangan generasi muda Indonesia.

Sekolah agama ini terbahagi kepada dua – al-Rahmah untuk pelajar perempuan sementara al-Yunusiah menempatkan pelajar-pelajar lelaki. Sekolah ini, sebenarnya dinamakan mengikut nama sepasang suami isteri – Rahmah dan Yunus yang mengusahakannya.

Mereka berdua bercita-cita mahu melahirkan generasi bangsa Melayu yang berilmu dunia dan akhirat dan sanggup bangun berjuang membebaskan negara daripada penjajah. Oleh itu mereka bersama beberapa orang guru lain berusaha mendirikan sekolah ini dan menyiapkan sukatan pelajarannya bersesuaian dengan aspirasi tersebut.

Oleh kerana itu selain daripada ilmu-ilmu Islam yang biasa diajarkan di sekolah-sekolah agama yang lain, sekolah ini mempunyai mata pelajaran yang khas – bagi menekankan semangat cintakan tanah air dan menentang penjajah.

Kurikulumnya memastikan agar penuntut-penuntutnya diingatkan setiap masa tentang perjuangan dan tanggungjawab memerdekakan negara. Umpamanya subjek pertama pada setiap pagi, sebelum penuntut-penuntut ini masuk ke kelas; ialah perhimpunan besar. Dalam perhimpunan ini

mereka dikehendaki menyanyikan lagu 'Indonesia Raya' dengan penuh semangat. Selepas itu mereka dimestikan menggenggam tangan dan meneriakkan 'merdeka, merdeka, merdeka' dengan lantang dan penuh azam.

Kemudian semasa di dalam kelas, pada setiap mata pelajaran yang diajar semua guru diingatkan supaya menyelitkan kata-kata penuh semangat terhadap tanggungjawab setiap orang Melayu dan Islam dalam usaha membebaskan negara dan bangsa daripada penjajah.

Mata pelajaran pula tidak terhad kepada ilmu-ilmu akhirat semata-mata. Setiap murid dimestikan mempelajari ilmu kemahiran hidup dunia seperti perdagangan, ekonomi, sains rumah tangga, pertanian, pertukangan dan sebagainya.

Dalam melatih murid-murid sekolah ini menjadi pemimpin yang berkualiti, kecekapan berhujah dan kepintaran mencari idea-idea yang bernas menjadi satu kemestian.


Mereka dilatih dalam program latihan bahasa dan pidato umum yang diaturkan setiap minggu. Setiap murid dipastikan mengambil bahagian mengikut giliran masing-masing.

Setiap kali pula topik-topik yang dipilih oleh guru-guru ini menyentuh persoalan-persoalan besar tentang *survival* masyarakat Melayu seperti persoalan maruah bangsa, perjuangan kemerdekaan dan tanggungjawab individu dalam menentukan kedudukan politik, ekonomi dan sosial bangsanya. Dengan sukatan pelajaran yang dibentuk demikian rupa dan indoktrinasi yang sedemikian rapi, setiap penuntut yang keluar dari sekolah ini diharapkan akan lahir sebagai seorang pemimpin yang baik.

Mereka diharapkan memiliki sifat-sifat yang dinamik, sentiasa mahu maju, berani, penuh azam, yakin dan sentiasa 'berfikir positif' – menidakkan yang remeh-temeh. Harapan pengasas sekolah ini adalah untuk melihat bangkitnya watak individu perjiwa besar, yang mampu mengharung tabaran dan sanggup bergadai nyawa demi kemerdekaan negara.

Kesan yang diinginkan oleh pelopor sekolah itu terhadap anak-anak muridnya rupanya semakin nyata dan merata. Sejak ditubuhkan pada awal tahun 20-an, ramai penuntutnya menjadi pemimpin besar dalam menyebarkan semangat perjuangan kemerdekaan di Indonesia, terutama di kepulauan Sumatera.

Shamsiah ternyata dapat mengasah minat berpidato dan menggilap bakat kepimpinannya melalui sekolah ini. Kebolehannya berpidato begitu terserlah, semangat beraninya berkobar-kobar dan



Shamsiah (kiri) sewaktu berumur 13 tahun bersama ibu dan adiknya Ramli.

jiwanya kini hanya dipenuhi dengan satu cita-cita besar – mahu memerdekakan negaranya daripada penjajah.

Dan dia tidak keseorangan. Kawan-kawan sekolahnya yang berasal dari Tanah Melayu juga menyimpan hasrat yang sama. Ini termasuklah Sakinah Junid (kini Datin Sakinah Junid, isteri Dato Asri Haji Muhammad) dan Aishah Ghani (kini Datuk Paduka Hajah Aishah Ghani – bekas Menteri Kebajikan Am).

Shamsiah Kembali ke Tanah Melayu

Sayangnya Shamsiah tidak dapat menamatkan persekolahannya. Fakih Sutan telah menulis surat memberitahu Shamsiah dikehendaki balik dan dia sendiri akan datang mengambil mereka.

Tidak dapat dipastikan apakah sebabnya Fakih Sutan berbuat demikian. Adiknya Ramli yang kini tinggal di Kuala Lumpur juga tidak tahu apakah puncanya yang menyebabkan mereka dipanggil balik oleh ayahnya, kerana dia masih sangat kecil waktu itu.

Mungkin puncanya ialah keadaan dunia yang huru-hara dan bunga-bunga Perang Dunia II yang semakin jelas yang menyebabkan Fakih Sutan berasa tidak tenteram. Fakih Sutan terpaksa mengambil keputusan memanggil pulang kedua-dua anaknya daripada Sumatera, sebelum suasana bertambah buruk dan keselamatan mereka tidak terjamin.

Shamsiah terpaksa kembali. Tetapi kali ini dia kembali dengan tanggungjawab. Telah subur di sanubarinya semangat

memperjuangkan kemerdekaan. Dia harus bertanggungjawab menyedarkan bangsa Melayu terhadap kemunduran mereka.

Shamsiah yang kini telah berumur 15 tahun tidak sahaja kembali dengan semangat baru, tetapi juga wajah baru. Dia memakai tudung panjang melitupi wajahnya yang cantik umpama bunga yang sedang mekar.

Menurut beberapa orang tua di Kuala Pilah yang ditemui, Shamsiah merupakan anak gadis pertama yang memakai tudung panjang melitupi wajah seumpama itu.

Shamsiah Belajar di High Islamic School, Pelangai

Nasib Shamsiah baik kerana tidak lama setelah dia kembali ke Kuala Pilah, sebuah sekolah agama dibuka. Sekolah ini dikenali dengan nama Inggerisnya The High Islamic School atau nama Arabnya Madrasah 'Aliyah Islamiah. Sekolah ini dibuka pada 15 Januari 1939.

Pengasasnya ialah Tuan Guru Muhammad Maadah bin Layang atau lebih dikenali dengan nama Lebai Maadah. Beliau berasal dari Tengkek Negeri Sembilan. Beliau mendapat pendidikan di Karachi selama sepuluh tahun. Beliau boleh bertutur dalam empat bahasa – Urdu, Inggeris, Arab dan Melayu.

Lebai Maadah mempunyai hubungan yang rapat dengan pihak istana. Yang Dipertuan Besar Negeri Sembilan ketika itu, Almarhum Tuanku Abdul Rahman ibni Tuanku Muhammad Shah memberi pengiktirafan dan membantu sepenuhnya perjalan sekolah tersebut sejak daripada awal pembukaannya; sehinggakan gaji guru-guru yang mengajar di sekolah ini dibayar oleh istana.

Lebai Maadah tidak sahaja membuka sekolah dengan corak pengajaran dan pembelajaran yang berbeza daripada sekolah-sekolah lain di Tanah Melayu pada masa itu; malahan beliau juga turut mengembangkan fahaman As-sunnah Wal-jammaah yang diberi gelaran ajaran 'kaum muda' di Kuala Pilah.

Fahaman ini tidak bertaklid hanya kepada satu-satu mazhab dalam persoalan hukum-hakam agama; tetapi membuka ruang lebih luas kepada masyarakat Islam untuk menggunakan akal fikiran dengan merujuk Hadis dan al-Quran. Mazhab-mazhab Syafie, Hambali, Maliki dan Hanafi tidak ditinggalkan malah dirujuk mengikut kekuatan hujah masing-masing.

Bapa Shamsiah – Fakih Sutan, Fakih Khattab dan beberapa orang ulama dari Sumatera juga merupakan pendukung kuat aliran ini dan bergabung tenaga berdakwah bersama-sama Lebai Maadah.



Lebai Maadah (duduk) bersama Ahli Jawatankuasa Sekolah Agama Pelangai.

Walaupun mendapat tentangan yang datang daripada penduduk tempatan, namun mereka tenggelam kerana kewibawaan Lebai Maadah dan pembelaan dari pihak istana.

Sekolah yang didirikan oleh Lebai Maadah ini mempunyai keistimewaannya tersendiri. Pengajian utama di sekolah ialah al-Quran dan hadis. Pengajian diberikan dengan kursus penterjemahan al-Quran secara harfiah (perkataan demi perkataan) yang diikuti dengan kefahaman terjemahan.

Dalam masa dua tahun murid-murid sekolah dapat menguasai penterjemahan al-Quran dengan baik, berbanding dengan murid pondok biasa yang mengambil masa 12 tahun untuk mendapat ilmu yang

Sementara kitab-kitab yang digunakan dalam kitab-kitab asli karangan ulama luar negeri dalam bahasa Arab yang diterjemahkan spontan oleh guru ke dalam bahasa Melayu. Sekolah-sekolah pondok lain ini menggunakan kitab terjemahan kitab Melayu karya ulama-ulama tem-

Sistem yang digunakan di sekolah ini adalah moden. Ia mengikut tahap pencapaian melalui perbezaan kelas. Kalau di pondok; tidak ada sistem kelas. Semua murid berada dalam satu kelas dan tidak ada tahap.

Bahasa Inggeris menjadi bahasa kedua selain daripada bahasa Arab dan Melayu. Murid-murid lelaki memastikan memakai kemas bertali

leher dan berkot, atau baju Melayu bertudung untuk perempuan.

Murid-murid yang belajar di sekolah ini datang dari seluruh Malaysia – seperti Pahang, Kelantan, Terengganu, Melaka, Johor dan Selangor. Jumlah murid pada pengambilan pertama ialah hampir 300 orang. Ada yang tinggal di asrama dan selebihnya di rumah sewa di luar.

Sistem pengajaran beliau yang unik menjadikan murid-murid yang tamat daripada sekolah ini mahir dalam menterjemah al-Quran dan al-Hadis. Mereka juga mempunyai semangat memperjuangkan nasib bangsa yang tinggi. Ramai daripada lepasan sekolah ini bergiat di dalam politik dan memperjuangkan kemerdekaan sama ada di dalam gerakan kiri ataupun kanan.

Shamsiah Fakih yang mendapat pendidikan asas yang baik di Sumatera, menyambung pengajiannya dalam darjah yang tinggi – darjah sembilan di sekolah ini. Hanya empat orang murid perempuan yang berada pada tahap ini pada waktu itu selain Shamsiah iaitu Maheeran bt. Putih Isa, Khadijah Alip, Hendon bt. Rentah dan Asmah bt. Usulan.



Shamsiah Fakih (duduk nombor dua dari kanan) bersama teman-teman seasrama, di High Islamic School Pelangai.

Sementara penuntut-penuntut lelaki yang berada di kelas tinggi ini di antaranya ialah Mokhtar Hj. Sidin, Usup Hj. Long, Abdul Aziz Yunus, Yassin Hj. Ali, Malik Hussien, Sulaiman Taalim, Rais Manaf, Adam Ali dan Mohd. Yassin Kina.

Penuntut-penuntut kelas tinggi ini akan berada di dalam satu kelas tetapi berlainan bilik apabila tiba giliran mereka belajar. Mereka diajar oleh Lebai Maadah sendiri. Kesemua mereka menjadi guru penolong Lebai Maadah mengajar di kelas-kelas yang lebih rendah.

Di antara mereka ini Shamsiah, Khadijah, Abdul Aziz Yunus dan Mohd. Yassin Kina adalah murid terbaik dan menjadi harapan kepada Lebai Maadah.

Shamsiah tidak sekadar boleh berpidato dengan baik dalam setiap latihan bahas dan pidato umum di sekolah ini, malahan dia boleh menterjemah al-Quran dengan lancar setelah melalui pengajian selama dua tahun. Dia kini telah bergelar ustazah.

Shamsiah kemudian terkenal di seluruh Kuala Pilah dengan kepetahannya berpidato dan kecantikan wajahnya di sebalik tudung litup pakaiannya sehari-hari. Anak-anak muda Kuala Pilah sering mengintai-intai memerhati gerak-geri Shamsiah apabila dia melintas di hadapan mereka. Sudah menjadi bualan umum di kalangan anak muda Kuala Pilah 'Siapa yang tidak menoleh memandang Shamsiah, alamat pendeklah umur orang itu.'

Bagaimanapun mereka hanya sekadar boleh memerhati dari jauh. Untuk mendekati atau mengusiknya jauh sekali. Shamsiah disegani kerana ilmunya yang mendalam dan kefasihannya mematahkan cakap orang. Shamsiah juga sering kelihatan serius dan tidak pernah ambil peduli segala pandangan terhadapnya.

Perkahwinan Pertama Shamsiah

Lebai Maadah pula menyimpan cita-cita yang besar terhadap anak-anak muridnya yang bijak dan berpotensi. Dia mahu anak-anak muridnya itu menjadi penyambung hayat sekolah tersebut.

Kalaupun mereka berpindah tempat tinggal beliau mengharapkan anak-anak

muridnya ini akan menyambung teknik pengajaran dan pembelajaran yang telah mereka pelajari dengan membuka sekolah-sekolah seperti ini di tempat lain. Lebai Maadah tidak nampak cara lain untuk berbuat demikian, kecuali dengan mengahwinkan anak-anak murid lelaki dan wanitanya yang bijak dan berpotensi mengembangkan ilmu.

Bagaimanapun sebelum membuat keputusan itu dia berbincang dahulu dengan ibu bapa murid-murid tersebut. Setelah mendapat kebenaran dan mandat barulah Lebai Maadah membuka mulut kepada anak-anak muridnya.

Di kalangan anak-anak muridnya itu ada empat pasangan yang difikirkannya sesuai untuk dijodohkan. Pertama: Abdul Aziz Yunus dengan Khadijah bt. Alip dan kedua: Mohd. Yassin Kina dengan Shamsiah bt. Fakih Sutan.

Ketaatan yang tinggi terhadap tuan guru menyebabkan cadangan perkahwinan di antara kawan sesama sekolah ini tidak mungkin untuk ditolak. Pasangan Abdul Aziz Yunus menerima permintaan tuan guru ini dengan patuh. Demikian juga pasangan Mohd. Yassin Kina dan Shamsiah.

Bagi Mohd. Yassin Kina, walaupun pada mulanya dia agak terperanjat dengan cadangan gurunya untuk mengahwinkannya dengan Shamsiah; dia menerima permintaan gurunya dengan hati terbuka dan penuh gembira.

Siapa yang akan menolak untuk dikahwinkan dengan wanita cantik sebutan semua orang di Kuala Pilah? Jadi dia menerima cadangan penjodohan itu tidak sahaja atas dasar taatan guru malahan kerana rasa bertuah dijodohkan dengan wanita idaman pemuda-pemuda Kuala Pilah!

Mohd. Yassin Kina berfikir-fikir, kalau dia berusaha sendirian untuk mendapatkan Shamsiah, sudah tentu tidak mudah baginya. Dia tahu Shamsiah menjadi rebutan dan dia tahu pasti dia harus menepuh saingan sengit untuk mendapatkannya.

Kini segalanya tiba bagaikan 'pucuk dicita ulam mendatang'. Yassin Kina terseenyum sendirian. Yassin Kina juga sebenarnya bukanlah calang-calang orang. Dia pun bijak dan pandai berpidato seperti Shamsiah. Orangnyanya segak, tegap dan tinggi – sangat bersesuaian dengan Shamsiah yang juga tinggi lampai.

Dalam hal ini Lebai Maadah tidak tersilap. Dia memadankan pasangan yang 'duduk sama rendah dan berdiri sama tinggi' dari segi ilmu, kewibawaan mahupun ciri-ciri fizikal.

Shamsiah juga tidak menolak permintaan gurunya untuk dijodohkan dengan Yassin Kina. Tambahan pula ayahnya sangat bersetuju dengan pandangan jauh Lebai Maadah dalam persoalan ilmu dan masa depan sekolah yang diasaskannya.

Shamsiah yang serius dengan perjuangan



Encik Mohd. Yassin Kina semasa dalam perkhidmatan polis.

Shamsiah yang serius dengan perjuangan memerdekakan negara dan bangsanya hanya berhajatkan suami yang berilmu dan memahami semangat dan daya juang yang ada dalam dirinya. Dia tidak mengira siapakah yang akan menjadi suaminya. Yang penting ialah kefahamannya terhadap perjuangan Shamsiah.

an memerdekakan negara dan bangsanya hanya berhajatkan suami yang berilmu dan memahami semangat dan daya juang yang ada dalam dirinya. Dia tidak mengira siapakah yang akan menjadi suaminya. Yang penting ialah kefahamannya terhadap perjuangan Shamsiah. Mereka bertunang selama tiga bulan. Akhirnya pada 17 Ogos 1941 mereka bernikah. Mereka diijab kabulkan oleh Fakih Sutan sendiri. Shamsiah yang telah mengetahui hukum nikah cuba menolak adat persandingan yang sering diamalkan oleh orang Minangkabau di tempatnya.

Dia menolak kerana tahu hukum persandingan adalah haram di sisi Islam. Dia mahu membetulkan fahaman kebanyakan orang di Kuala Pilah pada masa itu dengan menunjukkan contoh melalui dirinya sendiri. Ketegasan Shamsiah terhadap hal ini diceritakan sendiri oleh bekas suaminya Encik Mohd. Yassin Kina.

Ayah dan ibunya tidak membantah, malah merestuinnya. Walaupun ada orang-orang kampung yang memperkatakan hal itu, namun isu tersebut hilang begitu sahaja apabila Shamsiah tidak menghiraukannya.

Selepas berkahwin mereka masih tinggal serumah dengan ayah dan ibu Shamsiah. Kedua-dua mereka menjadi guru di sekolah Lebai Maadah. Mereka berulang-alik dengan menaiki bas ke sekolah yang jauhnya

lebih kurang lapan km.

Shamsiah mendapat gaji sebanyak \$15 sebulan (lebih kurang \$150 sekarang) sementara Mohd. Yassin Kina hanya menjadi tenaga pengajar sukarela di sekolah itu, atas permintaan ayahnya sendiri. Ayahnya yang kaya menyara kehidupan Mohd. Yassin, yang merupakan anak tunggalnya.

Shamsiah dan Mohd. Yassin dalam masa yang sama menyimpan hasrat untuk memasuki Universiti al-Azhar di Mesir. Dengan kelulusan mereka, mereka layak mendapat tempat di universiti tersebut.

Bapa saudara Shamsiah, Ripin di Padang, Sumatera yang tidak ada anak bersetuju membiayai persekolahan mereka berdua. Segala persiapan telah diatur termasuk mendapatkan pasport dan visa. Sayangnya niat mereka terbantut apabila Jepun menakluki Tanah Melayu pada akhir tahun 1941.

Sewaktu Jepun memerintah sekolah Lebai Maadah ditutup sementara. Mereka berdua tidak mengajar lagi. Kehidupan bertambah sukar dan makanan sangat kurang. Dalam masa yang sama lahir anak mereka yang pertama seorang perempuan yang dinamakan Noraini. Setahun kemudian lahir pula anak lelaki bernama Abdul Munir.

Perceraian Pertama Shamsiah

Keadaan hidup zaman Jepun yang sukar, kurang makanan dan zat menyebabkan sejenis penyakit yang serius hingga menyebabkan kematian bermaharajalela sewaktu itu. Penyakit yang dipanggil 'hawar' oleh orang-orang kampung sewaktu itu menyerang mangsa tanpa mengira umur. Dalam sehari dua pasti si penghidap akan meninggal dunia.

Pada zaman yang perit itu kematian seorang demi seorang bukanlah perkara yang ganjil. Mayat bergelimpangan di sana sini, terutama di kalangan bangsa China yang banyak dianiaya oleh Jepun.

Di kalangan mereka yang meninggal itu termasuklah Lebai Maadah. Dia meninggal kerana penyakit tersebut pada tahun 1942. Kehidupan yang semakin hari semakin bertambah sukar menjadikan ramai yang menderita kehilangan pekerjaan dan tidak ada wang untuk menyara hidup. Lebih teruk kerana kekurangan bahan makanan.

Keadaan yang menyulitkan ini menyebabkan keadaan tegang di antara Shamsiah dan Mohd. Yassin. Oleh kerana 'jodoh sudah habis' menurut Encik Mohd. Yassin Kina, mereka pun berpisah dengan cara baik. Perceraian ini berlaku pada bulan Jun tahun 1944. Mohd. Yassin balik ke kampungnya di Kepis, 30 km. dari Kuala Pilah.

Tidak lama kemudian kedua-dua anaknya ini pula meninggal dunia ditimpa penyakit tersebut. Shamsiah terkatung-katung sendirian – pedih dan perit menanggung kekosongan dan kesukaran untuk hidup.

Shamsiah mengikut pandangan orang-orang yang terdekat dengannya

Suami Pertama

Mohd. Yassin Kina mengahwini Shamsiah pada tahun 1941 dan bercerai pada tahun 1944. Enam selepas bercerai, beliau mendapat job sebagai seorang wanita yang lemah-lembut dan pendiam bernama Sumah bt. Sidin; yang berasal dari Kampung Telok. Tidak lama selepas itu pula beliau berjaya mendapat pekerjaan sebagai



Mohd. Yassin Kina.

menetap di Tampin Jaya sehingga pada tahun 1976. Keramahannya dan hati yang menyebabkan dia menjadi penghulu daerah Tampin mempunyai penduduk lebih kurang 100 orang.

Tugas barunya itu beliau terkenal di Tampin. Namun tidak ramai yang bertutur dengan Shamsiah, sehingga akhirnya keluar di akhbar. Perkahwian kedua dikurniakan dengan sembilan anak – empat perempuan dan lima

Mohd. Yassin kini keseorangan setelah isterinya pada tahun 1982. Dia kelihatan segar dan sihat dalam usia kini 66 tahun. Satu hal yang memikat kaitannya dengan Shamsiah ialah beliau masih mengekalkan hubungan dengan bekas ipar-iparnya (adik-adik Shamsiah Fakih) hinggalah semua mereka turut rapat dengan mereka. Perwatakannya yang periang dan ramah membuatkan kami mewawancara dan mengkil rahsia perkahwinannya dengan Shamsiah Fakih 50 tahun yang lalu.

Pak cik mula mengenal Shamsiah

Pak cik kenal dengan Shamsiah pada tahun 1939 semasa bersekolah di High School, Pelangai. Kami sama-sama berdarjah 9 di sekolah tersebut.

Apakah pak cik sekelas dengannya? Pada itu kelas tidak campur-campur. Satu kelas, perempuan satu kelas.

Masa tu bagaimana pak cik kenal peribadi Shamsiah?

Sesungguhnya dia seorang yang kukuh pegangan agamanya. Perwatakannya pula memang perwatakan seorang pejuang atau ahli politik.

Bagaimana pak cik boleh membuat kesimpulan seperti itu?

Shamsiah pandai berpidato. Kupasannya tentang sesuatu topik itu bernas dan mendalam. Selalunya topik perjuangan bangsa Melayu, agama dan kemerdekaan menjadi pilihannya.

Saya dengar dia berkebolehan menterjemah al-Quran 30 juz?

Ya, dia fasih dan lancar menterjemah al-Quran. Tapi bukan dia seorang sahaja demikian ada beberapa orang lain seperti Khadijah Alip, Maheran, Asmah dan Hendon. Lelakinya Mokhtar Hj. Sidin, Usup Hj. Long, Ustaz Aziz, yang kesemuanya dalam darjah 9. Sekolah itu memang melatih pelajar-pelajarnya supaya boleh menterjemah al-Quran.

Bagaimana pak cik boleh berkahwin pula dengan Shamsiah?

Pak cik berkahwin dengan Shamsiah bukanlah kerana bercinta macam orang sekarang. Kami dijodohkan oleh tuan guru tempat kami belajar – Lebai Maadah. Kami kahwin atas dasar 'taatkan guru'. Dulu konsep 'taatkan guru' ini lain, tidak macam sekarang (ketawa besar) sekarang bukan saja murid tidak taatkan guru – anak murid pun berani mengorat guru!

Maknanya Tuan Guru Lebai Maadah memang berkenan sangat dengan pak cik dan sekiranya dijodohkan dengan Shamsiah?

Itu pak cik tak tahulah. Yang pastinya satu malam (dalam tahun 1941) Tuan Guru Lebai Maadah panggil pak cik ke pejabat sekolahnya. Dengan bahasa Arab dia bercakap dengan saya: "Aku mahu nikahkan engkau dengan Shamsiah". Masa tu Shamsiah memang ada di situ. Jadi pak cik kata: "Ustaz nanti saya balik beritahu emak dan ayah dulu." "Bagus, esok pagi awak cuti," katanya. Jadi begitu sahaja caranya.

Jadi pak cik bersetuju sahaja dengan penjodohan tersebut?

Pak cik memang tidak menolak kerana pertama: taatkan guru. Yang kedua: Shamsiah ini memang lawa orangnya, jadi kalau pak cik usaha sendiri belum tentu dapat (ketawa). Hai... anak 'Fakih Godang' ni satu Kuala Pilah, terkenal lawanya. Pendek kata sudah jadi bualan umum di Kuala Pilah; kalau Shamsiah Fakih lalu orang tak

menoleh alamat pendek umurlah orang itu." (Ketawa....)

Semasa berkahwin dengan dia, bagaimanakah Shamsiah yang sebenarnya?

Memang seperti peribadi yang saya kenal sebelum kahwin dulu. Dia taat pada guru dan taat pada saya, suaminya, dia panggil pak cik Ustaz ataupun tuan. Kami selalu bercakap Arab di rumah dan sering berbahas tentang hal-hal agama. Pendirian dia terhadap perjuangan kebangsaan dan agama memang jelas dan kuat.

Berapa orang anak pak cik dengan dia?

Dua orang. Seorang perempuan: Noraini dan seorang lelaki Abdul Munir. Keduanya meninggal masa kecil.

Meninggal sebab apa pak cik?

Sakit masa zaman Jepun. Yang tua masa meninggal berumur setahun lebih, yang kecil tu berumur sebulan.

Kalau pak cik tak keberatanlah, macam mana perceraian pak cik dan Shamsiah boleh berlaku?

Jawabnya satu sahajalah. Jodoh dah habis. Kalau nak diceritakan panjang kisahanya.

Selepas bercerai, pak cik mengikuti perkembangannya?

Ya, pak cik tahu dengan siapa dia kahwin selepas pak cik dan perjuangannya yang diteruskan hingga menjadi ketua wanita AWAS dan kemudian masuk ke hutan menjadi anggota komunis.

Pak cik pernah menyangka dia boleh terlibat dengan komunis.

Tidak. Tidak pernah pak cik tahu bagaimana dia boleh masuk komunis ini. Setahu pak ciklah selaku orang paling rapat dengan dia selain ayah, ibu dan suami-suaminya yang lain, Shamsiah begitu kukuh dan keras pegangan agamanya. Tidak mungkin begitu mudah baginya untuk terlibat dengan komunis. Dan pak cik sampai sekarang pun hairan bagaimana dia boleh terus memilih komunis dalam perjuangannya. Itulah soalan pertama pak cik kalau pak cik boleh berjumpa dia sekarang.

Boleh pak cik jelaskan maksud soalan pak cik itu?

Pak cik akan tanya dia "mengapa dia memilih komunis? Bukankah tuan guru kita Lebai Maadah telah mengajarkan kita tentang bahayanya fahaman komunis dan pertentangan komunis dengan Islam."

Apa pandangan pak cik terhadap permintaan Shamsiah untuk kembali ke

Malaysia?

Pak cik fikir dia sepatutnya dibenarkan balik. Dia dah tua dan takkan mengancam Malaysia lagi dengan fahaman komunis. Kalau kerajaan mahu tahan dia kerana kesalahannya masa lalu, tidak mengapa – tahananlah, asalkan dia boleh kembali.

Kalau ditakdirkan buat kali kedua mahukah pak cik berkahwin dengannya? (Ketawa).

Kalau sudah jodoh apa nak dikata. Dia dah bersuami takkanlah pula nak kahwin dua suami ... (Ketawa).

Apa pandangan pak cik dengan empat kali perkahwinan Shamsiah. Sebagai suaminya yang pertama tentu pak cik boleh beri komen. Sebab mengikut orang yang pernah saya wawancara, kata mereka "Shamsiah ini, maaf cakaplah pak cik gila lelaki!"

Tak adalah Shamsiah macam tu. Dia tu saya tahu benar bukan dari jenis manusia seperti itu. Dia tu serius orangnya. Dia berkahwin dan bercerai saya fikir kerana masalah perjuangannya. Tak ramai orang boleh faham perjuangannya itu.

Haji Ramli Fakih



Adik yang paling rapat dengan Shamsiah.

Di kalangan saudara kandung Shamsiah yang seramai tujuh orang – Mohd. Nordin, Haji Ramli, Nasiruddin, Rubiah (Arbi), Nuraminah, Darwisah dan Nurbaiti hanya dua orang yang mahu bercakap tentang Shamsiah. Mereka ialah Haji Ramli dan Nasiruddin. Saudaranya yang lain sama ada berhalangan untuk diwawancara kerana sakit atau langsung tidak berminat untuk bercakap apa-apa pun tentang Shamsiah. Malahan ada di antara mereka yang tidak menyenangi kedatangan kami ke rumah mereka.

Mungkin kerana pertalian darah mereka dengan 'Shamsiah seorang komunis' menyebabkan mereka dipandang serong oleh masyarakat setempat. Langsung mereka tidak rela dihampiri dan diwawancara oleh penulis seperti kami. Kebetulan pula kebanyakan adik Shamsiah tidak banyak mengetahui tentang Shamsiah. Sewaktu Shamsiah menghilangkan diri, mereka masih kecil untuk memahami apa yang sebe-

narnya berlaku.

Haji Ramli yang sememangnya sejak kecil rapat dengan Shamsiah merupakan satu-satunya ahli keluarga yang bersusah payah mengusahakan agar Shamsiah dapat dibawa balik. Dengan jantungnya yang sakit, bersama-sama anak lelakinya Mustafa, dia masih sanggup turun naik pejabat Kementerian Dalam Negeri dan Jabatan Perdana Menteri untuk menghantar sendiri surat rayuannya agar Shamsiah diampunkan dan dibenarkan kembali.

Kini beliau berumur 59 tahun dan mengerjakan sebuah kedai runcit bersama-sama keluarganya – satu-satunya ahli keluarga yang mengikut jejak kerjaya Fakih Sutan. Sewaktu ditemubual, air matanya bergejolak. Mungkin saya mengenangkan kenangan lebih 44 tahun yang lalu bersama-sama kakaknya.

Apa panggilan pak cik terhadap Shamsiah?

Kak Andah. Dan di kalangan anak saya dia dipanggil Mak Andah.

Boleh pak cik beritahu kami tentang peribadi Shamsiah sebagai seorang kakak sulung dalam adik-beradik pak cik?

Dia memang manusia keras hati. Tentang agama pun pegangan dia kuat. Apabila berbuat sesuatu dia sungguh serius, tekun dan cekal. Selain daripada itu dia juga terkenal kerana kelantangannya apabila bersyarah. Sebagai kakak yang sulung dia sering menasihati kami supaya rajin belajar dan tidak membuang masa dengan sia-sia.

Pak cik tahu kegemaran masa lapangnya?

Dia gemar membaca. Sejak kecil lagi saya lihat memang itulah satu-satunya kegemaran dia.

Bagaimana tentang bakat kepimpinannya, adakah sudah kelihatan sejak kecil lagi?

Dari kecil sudah dapat dilihat bakatnya. Ia semakin kelihatan semasa zaman remajanya – cekal dan keras hati, berani, lantang dan pandai menaikkan semangat orang apabila bersyarah. Apabila dewasa bakat kepimpinannya terserlah. Pendek kata seluruh Kuala Pilah tahu kepandaianya ini.

Kami difahamkan pak cik juga mengikut kakak belajar ke Bagan Serai?

Ya, saya ikut belajar ke sana setelah dia balik ke Kuala Pilah mengajak saya.

Bila agaknya pak cik tahu dia bergiat di dalam politik?

Lebih kurang pada tahun 1946. Sewaktu itu kami dibawa balik oleh ayah ke Kuala Pilah melalui Kuala Lumpur. Semasa singgah di Kuala Lumpur, Shamsiah tidak mahu kembali bersama kami. Lepas itu saya dengan dia telah menganggotai Parti Kebang-

saan Melayu Malaya dan menjadi Ketua sayap wanitanya atau AWAS.

Apa perasaan pak cik apabila mendapat tahu dia dilantik sebagai ketua?

Bangga. Dan dia kembali ke Kuala Pilah untuk berceramah. Dia turut mengajak saya dan kawan-kawan menganggotai cawangan lelakinya iaitu API. Saya ikut jadi anggota API bahagian Kuala Pilah.

Bagaimana keadaan dia semasa itu?

Sangat bersemangat. Dia kelihatan begitu bersungguh-sungguh memperjuangkan semangat kebangsaan di kalangan masyarakat Melayu. Pidatonya berapi-api. Pendek kata tak pernah saya lihat seorang perempuan seperti dia semasa itu.

Apa pandangan ayah pak cik?

Ayah sungguh bangga. Dia tidak menghalang Kak Andah malah turut menggalakkannya.

Bila pak cik tahu dia menjadi anggota komunis dan apa perasaan pak cik apabila mengetahuinya?

Pada tahun 1948. Apabila kerajaan British mengharamkan parti tersebut, dia terus hilang. Saya hanya mengetahui dia sudah menjadi anggota komunis apabila terbaca akhbar pada pertengahan tahun 1948. Lepas itu pak cik tidak jumpa dia lagi hingga sekarang. Kami sekeluarga benar-benar terkejut. Kami tidak menyangka dia akan memilih komunis untuk berjuang.

Bagaimana pula penerimaan bapa pak cik?

Dia tidak berkata apa-apa. Yang saya tahu dia tidak nampak khuatir sedikit pun tentang hal itu. Dia percayakan Shamsiah. Katanya, "Aku telah berikan ilmu yang secukupnya kepada Shamsiah, dan dengan ilmu yang ada daku yakin tidak mungkin mudah dia lupakan Tuhan."

Daripada akhbar, saya mendapat tahu Shamsiah ingin kembali dan sering menulis surat kepada Pak Cik?

Dia mencari keluarga kami melalui akhbar *Utusan Melayu*, pada tahun 1987. Seorang pemberita akhbar tersebut menghubungi saya. Mulanya memang saya tidak pasti. Akhirnya setelah mendapat surat daripadanya barulah saya tahu dia kini berada di China.

Adakah dia memohon untuk kembali?

Dia telah menghantar surat berkali-kali kepada kerajaan Malaysia melalui kedutaan Malaysia di China dan saya membuat permohonan yang sama di sini.

Bagaimana hasilnya?

Kerajaan tidak memberikan kata pemutus. Kami terpaksa menunggu. Dah hampir empat tahun menunggu.

Ramai orang tidak suka dia kembali, terutama askar dan polis, apa pandangan mak cik?

Mereka ada sebab untuk tidak membe-
rinya ada sebab juga untuk melihat dia
kembali. Kita boleh mengambil jalan
tengah. Kalaupun dia masih bahaya, tahan-
lah dia buat sementara, kemudian lepaskan
dia bebas. Dia sudah tua dan sudah insaf.
Sekarang tidak ada sedikit pun ruang
pengampunan terhadapnya. Berikanlah ke-
puasan untuk dia bertemu saudara-sau-
dara sebelum dia mati.

Pandangan Kawan Sekolah Shamsiah

Ustaz Abdul Aziz Yunus dan Khadijah
Alip merupakan pasangan sekolah yang
dahulu pernah dikahwinkan oleh Tuan Guru Lebai
Maadah. Puan Khadijah Alip sebenarnya
dahulu memasuki Sekolah Tinggi Islam



Ustaz Abdul Aziz Yunus

Alip merupakan murid terbaik sekolah
Alor Gajah, Melaka. Apabila masuk
Sekolah Agama Pelangai dia menjadi
penolong Lebai Maadah. Ustaz Abdul
Aziz Yunus pula antara murid lelaki Lebai
Maadah yang terbaik. Perkahwinan mereka
dahulu menjadikan impian Tuan Guru Le-
bai Maadah untuk melihat anak muridnya
berkahwin antara satu sama lain – satu ke-
suaian. Mereka kini tinggal di rumah yang
besar sejak berkahwin. Mereka dikurniakan
dengan enam orang anak. Sewaktu ditemui masing-
masing mengimbau kenangan 50 tahun lalu.

*Bila pak cik dan mak cik mula mengenal
Shamsiah Fakih?*

Kami berdua sama-sama mengenalnya
pada tahun 1939, semasa Sekolah Agama
Alor Gajah dibuka.

*Bagaimana perwatakan Shamsiah yang
pak cik dan mak cik kenal?*

Shamsiah tu cergas serba-serbi, sehingga
kadang-kala seperti lelaki. Kalau
diberikan pidato dia memang handallah.
Sekolah ini tidak banyak orang ada ber-
kecuali seperti itu.

Dia memang pandai berpidato, tapi masa
ajar dalam kelas tu, dia agak bengap

sedikit. Sebelum belajar di sekolah ini saya
dah tamat belajar di Alor Gajah. Sementara
Shamsiah masih belum habis belajar.

*Betulkah mak cik, dia merupakan wanita
pertama di Kuala Pilah yang memakai tu-
dung?*

Tak adalah. Mak cik pun pakai juga,
semua murid-murid perempuan di kelasnya
pakai tudung. Mungkin yang dimaksudkan
ialah tudung panjang. Kalau itu memanglah
tak ada orang yang pakai macam dia...

*Pada peringkat darjah tinggi atau
darjah sembilan murid perempuannya lima
orang sahaja termasuk mak cik dan dia,
tentu mak cik kenal benar dengan dia...?*

Yalah kenal gitu-gitu sahajalah, lagipun
tak bergaul sangat kami berjumpa dalam
satu kelas sahaja belajar. Seperti saya kata
tadi dia ni bengap sikit belajar.

*Adakah mak cik setuju bahawa dalam
ramai-ramai pelajar darjah sembilan tu,*



Puan Khadijah Alip

*Lebai Maadah memilih pelajarannya yang
pandai dan paling disayangi olehnya untuk
dikahwinkan. Berapa pasangan masa itu
yang dikahwinkannya?*

Ya. Dua pasangan. Saya dan Ustaz Aziz,
Yassin Kina dan Shamsiah.

*Jadi tentulah Shamsiah juga merupakan
pelajar pilihan, bijak dan disayangi sebab*

*itu dia merupakan pasangan yang terpilih
untuk dikahwinkan...*

Ya...begitulah agaknya pandangan Lebai
Maadah.

*Pak cik bagaimana sistem pembelajaran
yang diajarkan oleh Lebai Maadah dulu
tu?*

Semua murid akan bersedia dengan
terjemahan al-Quran, di tempat yang ter-
akhir pelajaran lepas. Apabila Lebai Ma-
adah masuk dia hanya akan berkata hello,
hello... maknanya suruh bacalah tu. Maka
pelajar lelaki dan perempuan akan berebut
membaca. Siapa yang lancar dialah dulu
baca apa yang telah dipelajari daripada ayat-
ayat Quran tu. Kalau tersangkut saja ba-
caan, kita kena disaingi oleh pelajar
perempuan. Jadi masing-masing awas dan
bersemangat. Kadang-kadang sampai tak
tidur malam bersedia untuk membacanya
esok.

*Yang dibacanya terjemahan al-Quran
sahaja?*

Al-Quran dan hadis. Baca mesti lancar,
tak boleh teragak. Teragak saja, perempuan
akan potong.

*Adakah Lebai Maadah berikan panduan
bagaimana terjemahan itu dibuat?*

Ada, dia ajar sekali sahaja. Semua orang
mesti pasang telinga. Kalau tak dapat de-
ngan sekali ajar dia akan belah kita de-
ngan rotan semambu.

*Kata orang sistem sekolah Lebai Ma-
dah ini lain daripada sekolah lain?*

Ya, dia bawa perubahan baru tentang
cara terjemahan Quran. Mengikut pendapat
lama masa itu, Quran tak boleh diterje-
mahkan dengan cara harfiah. Padahal cara
pengajaran tu lebih baik daripada sistem
belajar ikut cara pondok lama. Kalau be-
lajar di pondok lama belum tentu apabila
tamat belajar boleh lancar menterjemah 30
juz al-Quran. ●

Sejarah Parti Komunis Malaya

Bahagian II

Apabila Jepun menyerang Malaya
pada bulan Disember 1941; PKM
menghantar mesej kepada Gabenor
Malaya, Sir Shenton Thomas untuk
membantu membebaskan Malaya dari
Jepun.

PKM memberikan kerjasama ini apabila
dasar menentang British berubah kepada
menyokong. Ini disebabkan oleh negara
induk komunis iaitu Rusia diserang Jerman
pada tahun 1941. Rusia berkehendakkan
sokongan Britain untuk menang dalam
peperangan ini. Ini menyebabkan PKM

juga turut mengubah dasar.

Rekrut-rekrut komunis ini kemudian
dilatih oleh Force 136 British di Singapura
dua bulan lebih sebelum Singapura jatuh
kepada Jepun pada 15 Februari 1942. Mereka
dibekalkan dengan senjata. Semasa
ini Chin Peng atau nama sebenarnya Ong
Boon Hua turut sama dalam latihan ini.
Mereka berlandung di dalam hutan dan
membuatkan Jepun gempar dengan se-
rang-serangan mengejut mereka.

Golongan MPAJA yang bertempur di
dalam bandar bagaimanapun teruk dibela-
sah oleh Jepun. Hanya mereka yang di
dalam hutan sahaja tidak terbabit dalam
pertempuran sengit dengan komunis.

Shamsiah Fakhir Ke Bagan Serai

Oleh FATINI YAACOB (Bahagian Ketiga)

Kajian kami memperlihatkan riwayat hidup Shamsiah yang mungkin sedikit berbeza daripada orang lain. Kematian kedua-dua orang anaknya tidak menjadikan dia hilang akal. Ketahanan dan ketabahan hatinya luar biasa. Dia memang dilahirkan sebagai pemimpin. Walaupun empat



kali berkahwin dan bercerai, dia bukanlah jenis wanita yang menggilai lelaki. Dia telah lama celik tentang kesadaran kebangsaan sebelum wujud Parti Kebangsaan Melayu Malaya (PKMM). Dan sewaktu di dalam PKMM tererlah bintangnya sebagai pemimpin.

Shamsiah kini benar-benar menderita. Pertama kerana perceraian. Kedua kerana kematian kedua-dua orang anaknya. Dia seperti kehilangan segala-galanya. Yang paling ditangisi adalah kematian anak-anaknya. Tidak ada yang dapat menyamai nilai cinta kasihnya kepada kedua-dua orang anaknya itu. Apakan daya muanya sudah suratan Allah.

Walau apapun Shamsiah terpaksa menerima keperitan dan kepayahan atas kematian anak-anaknya dengan sabar dan ketabahan. Shamsiah tahu walau berpuluh-puluh tetapan air mata dicurahkan, anaknya tidak akan kembali. Nasibnya baik kerana mendapat keluarga yang memahami. Ibu dan ayahnya banyak menasihati dan membimbingnya.

Shamsiah cuba melupakan kenangan pahit yang menyimpannya secara bertimpam itu. Dia menggunakan masa yang berluang membantu kedai makan kepunyaan kawan baik ayahnya - Pak Ghani. Ayahnya menggunakan kedai ini menumpangkan barang-barang dan ubat-ubatan untuk dijual. Bebanan masalahnya berkurangan dengan kehadiran hampir setiap hari di kedai itu selepas mengajar.

Menurut maklumat yang diperolehi, tidak lama kemudian Shamsiah berkahwin dengan seorang ahli perniagaan bernama Rusdi. Namun maklumat yang lengkap tentang hal ini tidak dapat diperolehi. Baik

adiknya Ramli atau adik angkatnya Hashim Ghani, tidak mengetahui tentang perkahwinan ini secara terperinci.

Hanya bapa dan ibunya menyimpan maklumat ini tetapi mereka sudah meninggal dunia. Dari mana asalnya dan bagaimana Shamsiah berkenalan dengannya tidak

lah diketahui. Kemungkinan besar Shamsiah bertemu Rusdi sewaktu beliau (Rusdi) mengunjungi kedai makan Pak Ghani di tempat Shamsiah sering berada.

Selepas berkahwin, Shamsiah bersama-sama suaminya pergi ke Bagan Serai pada awal tahun 1945. Di sana, Shamsiah



Shamsiah Fakhir (berbaju putih) dan isteri Pak Sako, sama-sama memegang sepanduk untuk menghadiri Kongres AWAS di Melaka pada 24.12.1946.

di Madrasah al-Akhlak Islamiah.
ngi. Bagan Serai.

Serai, sebuah perkampungan
mi oleh ramai orang Banjar yang
ai kebiasaan menyelitikan belati
ngnya. Sebenarnya ini bukanlah
kan mereka suka bergaduh. Na-
anya tetap ada sekiranya mereka
h mengawal kemarahan.

nanapun Shamsiah dan suaminya
ghadapi masalah selama tinggal
Serai ini. Hanya yang menjadi
alah keharmonian rumah tangga
dak lagi terjaga. Shamsiah dan
ak dapat menyelamatkan perkah-
mereka.

Shamsiah Bercerai Kedua

hwinan Shamsiah kali ini hanya
ra-kira beberapa bulan sahaja.
rceraian mereka mungkin daripada
cita-cita dan matlamat hidup.
bagai ahli perniagaan sudah tentu
rkan hal-ehwal perniagaan dan
gan sebagai matlamat hidupnya.
ngkan Shamsiah, sebagai orang
gan sudah tentu tidak terlalu memi-
persoalan wang dan harta benda
matlamat hidup. Baginya kekayaan
nya ialah apabila bumi Malaya
pada penjajah. Dan sebagai se-
juang bangsa, sudah tentu Sham-
dak mengizinkan apa pun meng-

**Untuk memastikan
kebenaran berita yang
disampaikan oleh
kawan-kawannya
tentang Shamsiah,
Wahi Annuar mengam-
bil keputusan untuk
mengikuti ceramah
yang disampaikan oleh
Shamsiah pada suatu
malam, di sebuah
kampungan di daerah
Padang Rengas.**

ganggu semangat perjuangannya.

Mungkin inilah sebab utama perceraian
Shamsiah. Sewaktu memilih antara dua —
perkahwinan atau perjuangannya, tidak
mudah Shamsiah mengubah pendirian dan
perjuangannya. Jadi Shamsiah lebih rela
melepaskan perkahwinannya. Buat kali ke-
dua Shamsiah bercerai.

Perkahwinan yang sekejap ini tidak
menghasilkan cahaya mata. Kini dia sen-
dirian lagi dalam menjalani hidup yang pe-

nuh pancaroba dan perjuangan yang belum
menampakkan hasil. Berbeza dengan per-
ceraian yang pertama, perceraian kali
ini tidak banyak mengganggu fikiran-
nya.

Shamsiah Berceramah

Kini Shamsiah semakin matang meng-
hadapi lelaki dan menghadapi hidup. Dia
sudah belajar memahami kedua-duanya
melalui cara praktikalnya sendiri. Kedua-
dua perkahwinannya yang gagal ternyata
banyak mengajarnya mengenali lelaki.

Dia tidak kesal malah menerimanya se-
bagai suatu takdir. Kini Shamsiah tidak
mahu lagi tenggelam dalam emosi dan ke-
sibukan memikirkan tentang lelaki dan cinta
mereka terhadapnya. Shamsiah sudah nekad
untuk menumpukan sepenuh perhatian ter-
hadap perjuangan menyedarkan anak
bangsanya tentang kemerdekaan dan pem-
bebasan diri daripada penjajah.

Kepetahannya berpidato dan kebernasan
isi ucapannya tidak sahaja menarik minat
anak murid dan guru-guru di sekolah agama
Masjid Tinggi itu, malahan khabar tentang
kebolehannya itu merebak di kalangan ma-
syarakat setempat.

Bermula daripada satu ceramah pada
satu malam di sebuah kampung sempena
meraikan maulud Nabi, Shamsiah mula
menjadi penceramah undangan di merata
tempat. Masa Shamsiah kini penuh diisi



Tunjuk perasaan PKMM di Melaka pada tahun 1946 yang memperlihatkan semangat nasionalisme orang Melayu
terhadap tanahairnya.

Khabar tentang kepetahan beliau berhujah dengan semangat yang berapi-api untuk membebaskan Tanah Melayu daripada penjajah mendapat perhatian beberapa orang bekas ahli Kesatuan Melayu Malaya (KMM), yang dipimpin oleh Ibrahim Yaakob. Di antara mereka termasuklah Mohd. Noor bin Haji Awang atau lebih dikenali sebagai Wahi Annuar di dalam parti.

Terpegun Wahi Annuar melihat Sham-siah dan kepetahannya berhujah. Terbetik di dalam hatinya 'Sungguh bagus pidato perempuan ini, tak pernah aku jumpa seorang wanita sepertinya. Gayanya sahaja sudah menampakkan bakatnya sebagai seorang pemimpin.'

Shamsiah Mengambil Adiknya di Kuala Pilah

Bagaimanapun ayahnya Fakhri Sutan, amat risau memikirkan keadaan Shamsiah seorang diri. Tambahan pula dengan gelaran janda buat kali kedua seperti ini.

Fakih Sutan menulis surat meminta Shamsiah kembali ke Kuala Pilah semasa

Koleksi : Manan Chik.

[illegible]

cuti sekolah yang akan datang. Shamsiah akur atas perintah ayahnya. Dia kembali ke Kuala Pilah untuk membawa kedua-dua adiknya itu ke Bagan Serai.

Ramli dan Hashim belajar di sekolah yang sama di mana Shamsiah mengajar. Mereka berdua pula rajin berusaha mencari wang membiayai persekolahan. Mereka menjual bubur kacang di sebuah kedai lain yang berdekatan dengan rumah sewa mereka.

Shamsiah Didatangi Orang PKMM

Di atas lori tersebut tiga buah bendera berkibar. Satu berwarna merah putih – bendera Indonesia, di tengahnya bendera bercap tukul besi – bendera komunis dan satu lagi bendera merah putih juga iaitu bendera PKMM. Di dalam lori itu kelihatan dua orang wanita dan dua orang lelaki.

Salah seorang daripada lelaki di dalam kereta itu dikenali kemudiannya oleh

Ghani sebagai Wahi Annuar, se-beritahu oleh penduduk kampung

udian beliau melihat seorang wanita memakai sari dan seorang wanita berceongsam turun daripada lori itu, ke rumah mereka. Shamsiah awa mereka masuk. Hashim Ghani isti sama ada Shamsiah mengenali atau tidak.

lah masuk ke rumah, Shamsiah akan maksud kedatangan mereka. menjelaskan harapan untuk meng-shamsiah bersama-sama mereka

Shamsiah tercengang. Dia tidak menyangka kedatangan orang-orang tersebut ke rumahnya mendatangkan masalah kepada orang-orang kampung. Dia tidak ada pilihan lain, lalu menolak jemputan mereka yang datang dengan memberikan alasan yang munasabah dan mengiringi mereka keluar daripada rumahnya dengan segera.

Orang ramai yang mengelilingi lori tersebut beredar perlahan-lahan sebaik sahaja mereka keluar daripada rumah Shamsiah. Rupa-rupanya barulah mereka sedar sebab sebenarnya orang-orang kampung tersebut keluar dengan wajah yang marah. Mereka

tidak menyangka Shamsiah yang terkenal sebagai seorang ustazah boleh membenarkan orang kafir masuk ke rumah orang Islam!

Shamsiah Diminta Pulang ke Kuala Pilah

Keadaan masyarakat yang tidak menyenangkan itu menyebabkan Hashim Ghani dan Ramli tidak tenteram untuk terus tinggal lama di situ.

Mereka memberitahu Shamsiah dan meminta dia memikirkan dengan mendalam sebelum tinggal lama di situ. Keadaan masyarakat seperti itu tidak memberikan banyak ruang kepada mereka untuk bergerak bebas. Shamsiah tidak memikirkan hal tersebut seserius adik-adiknya itu. Dia percaya Allah akan bersama-samanya selagi dia benar. Oleh itu dia meminta mereka jangan menghiraukan orang-orang kampung tersebut.

Bagaimanapun mereka tidak berputus asa. Mereka tahu hanya ayahnya sahaja yang dapat memberikan kata putus terhadap hal tersebut. Hashim Ghani menulis surat dan meminta Fakih Sutan datang ke Bagan Serai.


Surat itu ditulis tanpa pengetahuan Shamsiah.

Fakih Sutan terkejut mendapat khabar yang tidak disangka-sangka itu. Baginya soal sekecil itu tidak sepatutnya menjadi masalah bagi orang-orang kampung tersebut.

Dia tidak tahu begitu sempit pemikiran dan ceteknya tanggapan mereka berhubung dengan hal-hal 'furuk' seumpama itu. Dia serta-merta pergi ke Bagan Serai untuk melihat keadaan tersebut. Shamsiah terkejut melihat ayahnya tiba-tiba sampai ke rumah mereka, dua hari selepas kejadian tersebut.

Setelah diberitahu kedudukan sebenarnya dan bahayanya mereka berada di situ dengan keadaan masyarakat yang sedemikian, Shamsiah diam. Mereka berbincang anak-beranak mengenai masalah tersebut. Mereka bersetuju untuk balik sahaja ke Kuala Pilah.

Walaupun terasa berat hati Shamsiah untuk mengikut ayahnya kembali ke Kuala



Mad Boestamam Ketua Pemuda PKMM, sedang berucap di suatu perjumpaan.

eri ceramah politik di sebuah kam-

da masa yang sama Hashim Ghani tidak tenteram kerana dia melihat orang kampung keluar mengelilingi an seorang dua kelihatan meninjau- rumah Shamsiah. Mereka kelihatan marah dan seperti hendak menga-

k Su Sabri tuan rumah mereka turun aman untuk memastikan apakah yang ni oleh orang ramai tersebut. Pak Su dian kembali ke atas rumah dan peritahu Hashim dan Ramli apa yang utkan orang-orang kampung tersebut. mereka terdiam. Ramli memanggil shiah dan membisikkan kepada Shamsiah tentang reaksi negatif orang-orang ung dengan kedatangan orang-orang ut ke rumah mereka. Mereka meminta shiah tidak menuruti orang-orang itu keselamatan dan ketenteraman orang- kampung.

Shamsiah menyatakan keengganannya untuk pulang ke Kuala Pilah. Dia memberi alasan kepada ayahnya untuk berjuang di dalam parti kebangsaan Melayu untuk mencapai kemerdekaan. Fakih Sutan tidak menghalang, malah merestui kemahuan anaknya.

Pilah, namun dia tidak sanggup lagi berhijrah dengan ayahnya. Dia terpaksa mengemang segala barang-barangnya dan mengucapkan selamat tinggal kepada sekolah agama Masjid Tinggi dan Bagan Serai.

Bagaimana pun sebelum kembali ke Kuala Pilah, ayahnya mengajak mereka ke sekolah agama Al-Mashoor Pulau Pinang. Dia mahu meninjau kemungkinan mereka boleh bersekolah di sana.

Bagaimanapun mereka hanya tinggal selama dua malam sahaja di sana. Hashim Ghani dan Ramli tidak mengetahui apakah sebab sebenarnya bapa tidak mahu mereka bersekolah di situ. Mungkin kerana kawannya tidak dapat ditemui semasa mereka di sana.

Sekali lagi dalam perjalanan pulang ke

Kuala Pilah, mereka singgah ke tempat lain. Kali ini di Kuala Lumpur. Mereka bermalam di rumah saudara sebelah ibu Shamsiah di Kajang.

Semasa di sinilah Shamsiah menyatakan keengganannya untuk pulang ke Kuala Pilah. Dia memberi alasan kepada ayahnya untuk berjuang di dalam parti kebangsaan Melayu untuk mencapai kemerdekaan. Fakih Sutan tidak menghalang, malah merestui kemahuan anaknya.

Menurut Hashim Ghani, hanya di sinilah baru Shamsiah memberitahu mereka bahawa dia sudah menjadi anggota Parti Kebangsaan Melayu Malaya atau PKMM sejak berada di Bagan Serai. Dan dia singgah di Kuala Lumpur ini dengan tujuan untuk bergiat aktif di dalam parti tersebut setelah ibu pejabat PKMM berpindah ke

Kuala Lumpur dari Ipoh. Menurut Hashim Ghani pekara ini berlaku lebih kurang pada awal tahun 1946.

Dalam masa yang sama Shamsiah mengajak kedua-dua orang adiknya itu menganggotai parti tersebut di bahagian sayap pemudanya – Angkatan Pemuda Insaf atau API di bahagian Kuala Pilah. Hasrat kakak mereka itu dipersetujui setelah Shamsiah meyakinkan mereka bahawa perjuangan ini perlu dan penting untuk *survival* orang Melayu dan kemerdekaan daripada penjajahan.

Dengan janji akan bekerja kuat untuk kepentingan parti di Kuala Pilah, mereka pun berpisah dengan kakaknya. Tidak lama selepas itu Hashim Ghani mendapat tahu Shamsiah sudah menjadi Ketua Bahagian Wanita parti atau dikenali sebagai AWAS.

Shamsiah mengikut pandangan orang-orang yang terdekat dengannya

Ustaz Hashim Ghani, Banyak Simpan Maklumat Tentang Shamsiah

Ustaz Hashim Ghani sangat rapat dengan keluarga Shamsiah terutama dengan Fakih Sutan yang mengam-bilnya sebagai anak angkat. Ustaz Hashim Ghani turut sama belajar di High Islamic School bersama-sama adik Shamsiah, Ramli. Setelah tamat belajar di sekolah tersebut dia belajar di Sekolah Agama al-Mashoor, Pulau Pinang.

Sekembalinya dari sana dia membantu Samad Idris (sekarang Tan Sri Samad Idris, bekas Menteri Kebudayaan Belia dan Sukan) dan menulis untuk akhbar *Majlis*. Kemudian dia bekerja sebagai pemberita akhbar *Berita Harian*, sehingga berhenti pada tahun 1977.

Ustaz Hashim Ghani lebih dikenali di daerahnya sebagai pengetua 'madrasah tengah sawah', Kuala Pilah. Madrasah ini menempatkan pelajar-pelajar dari seluruh Malaysia untuk pengajian al-Quran secara hafiah, ilmu yang diwarisi daripada tuk gurunya Lebai Maadah.

Madrasah ini didirikan pada tahun 1953. Sehingga kini Ustaz Hashim dalam usianya 63 tahun masih gigih meneruskan pengajaran di madrasah ini walaupun dengan segala kekurangan dan kedaifan wang ringgit. Berikut adalah wawancara kami dengan beliau.

Sejak bila Ustaz mengenali keluarga Shamsiah?

Sejak sekolah Lebai Maadah dibuka.

Ayah saya dan Fakih Sutan memang bersahabat baik. Mereka sama-sama berada di dalam gerakan fahaman yang digelar kaum muda itu.

Bagaimana hubungan ustaz dengan ahli-ahli keluarga Shamsiah?

Kami rapat seperti adik-beradik. Fakih Sutan menganggap saya seperti anaknya sendiri. Shamsiah pula bagi saya seperti kakak saya sendiri. Saya kenal rapat dengannya semasa dia berumur dalam 20 tahun. Sewaktu itu saya fikir Shamsiah telah

pun bercerai dengan Mohd. Yassin Kina. Kebetulan pula dia selalu datang ke kedai ayah saya di pekan Kuala Pilah.

Sejak bila ayah ustaz membuka kedai?

Kedai ini dibuka semasa zaman Jepun. Kedai ini disewa oleh ayah saya, dan Fakih Sutan menumpang meletakkan barang-barang jualannya di kedai ini. Di atas kedai ada bilik-bilik untuk keluarga kami dan keluarga Fakih Sutan. Shamsiah selalu juga datang ke kedai ini.

Bagaimana pandangan ustaz terhadap Shamsiah pada masa itu?

Pada masa itu saya perhatikan Shamsiah sukakan ilmu dan sentiasa berbahas dengan ayahnya dalam hal-hal agama. Ayahnya saya lihat sangat suka apabila Shamsiah berbahas menggunakan dalil-dalil daripada ayat al-Quran dan hadis. Shamsiah juga merupakan anak kesayangan ayahnya. Saya yang tak sayang kalau anak sukakan ilmu. Adik-beradiknya yang lain tidak pula berminat dengan ilmu seperti dia walaupun pendedahan yang sama diberikan kepada mereka.

Kami difahamkan, ustaz bersama adiknya Ramli mengikut Shamsiah ke Bagan Serai, tidak lama kemudian balik ke Kuala Pilah. Adakah semasa di Bagan Serai Shamsiah sudah memasuki PKMM?

Itulah yang saya tidak tahu, sama ada Shamsiah sudah memasuki PKMM sejak di Bagan Serai iaitu semasa PKMM diasaskan penubuhannya di Ipoh atau sewaktu di Kuala Lumpur. Tetapi semasa tinggal sekejap di Bagan Serai, saya cam wajah Wahj Annuar kerana selepas itu dia ikut berceramah di Kuala Pilah. Tak mungkin orang mencari Shamsiah kalau

Shamsiah merupakan anak kesayangan ayahnya. Siapa yang tak sayang kalau anak sukakan ilmu. Adik-beradiknya yang lain tidak pula berminat dengan ilmu seperti dia walaupun pendedahan yang sama diberikan kepada mereka.

dia belum jadi ahli PKMM semasa itu. Tapi tak taulah, itu agakan saya sahaja.

Bila ustaz tahu dia menganggotai PKMM?

Semasa singgah di Kuala Lumpur dia membayangkan perlunya kita menganggotai parti yang membela nasib orang Melayu. Apabila balik ke Kuala Pilah saya dengar khabar dia sudah jadi Ketua Bahagian Wanita PKMM atau digelar AWAS.

Ustaz tidak bertemu dengan dia selepas itu?

Ada, banyak kali. Dia balik ke Kuala Pilah berceramah. Dia berjumpa kami – saya dan Ramli dan mengajak kami menganggotai API sayap pemuda di dalam PKMM. Dan kami ikut bersetuju.

Bagaimana keadaan dia semasa itu?
Saya ikut mendengar ceramah politik menyedarkan orang Melayu tentang perjuangan kemerdekaan yang disampaikan olehnya. Dia tetap berceramah berapi-api dan bersemangat seperti Shamsiah Fakih yang saya kenal. Yang berbeza kini dia milik orang ramai. Dia kini seorang pemimpin yang memiliki semangat dan daya juang yang tinggi. Saya sangat bangga dan menghormati kejayaannya.

Bagaimana penerimaan keluarganya, terutama ayahnya?

Fakih Sutan kelihatan sangat bangga dengan kelebihan yang ada pada Shamsiah. Dia merestui perjuangan Shamsiah, yang juga merupakan perjuangan yang telah diujainya sejak lama lagi.

Ustaz mengenali Shamsiah begitu rapat, ustaz juga ikut terlibat dan memahami perjuangan PKMM dan menjadi ahli API, bagaimanakah Shamsiah boleh terdorong melibatkan diri dengan komunis dalam perjuangannya?

Dia adalah pejuang kebangsaan tulen. Saya tahu dia bukan berniat untuk memperjuangkan ideologi komunis. Dia bersungguh-sungguh berjuang untuk kemerdekaan Tanah Melayu daripada penjajah. Dia masuk ke hutan pun kerana tidak mahu ditangkap British. Dia percaya dia boleh menentang British dari dalam hutan. Agak saya semasa dalam hutan, dia terpengaruh dengan komunis sedikit demi sedikit. Sebagai seorang pemimpin besar di luar dan di dalam hutan sudah pasti dia tidak boleh meninggalkan hutan semudah orang lain. Mungkin juga dia tidak sanggup meninggalkan hutan kerana kepercayaan orang bawahan terhadapnya. Pendek kata keadaan dan masa mempengaruhi dia untuk membuat keputusan terus tinggal di hutan dan menyertai komunis.

Bagaimana ustaz fikir tentang amalan-amalan agamanya semasa di dalam hutan dan setelah menyertai komunis?

Mungkin Shamsiah meninggalkan amalan-amalan atau ibadat semasa di dalam hutan atau mungkin juga dia tetap mengamalkannya. Itu kita tidak tahu. Tapi nampaknya dari mula dia masuk hutan sehingga kini iaitu selama 43 tahun; dia lebih lama di dalam komunis daripada Islam. Bagaimanapun saya percaya orang-orang Islam yang komunis akan tetap kembali kepada Islam pada suatu masa nanti. Shamsiah saya fikir masih mengaku Allah tetap ada.

Mengapa ustaz ingat Shamsiah ingin pula balik ke Malaysia?

Ini sudah tentu, sebab dia kini sudah tua, sudah berhenti daripada perjuangan, mempunyai banyak masa untuk berfikir terhadap apa yang telah dilakukannya. Kini dia insaf dan mahu balik menjenguk tanah airnya.

Sudah tentu ibu dan ayah Shamsiah tahu perjuangannya dalam komunis. Selaku

orang yang rapat dengan Shamsiah dan keluarganya, adakah ustaz tahu sebarang reaksi daripada ibu bapanya?

Ayahnya pernah menyatakan bahawa dia percaya Shamsiah tahu apa yang dia buat; katanya dia telah memberikan Shamsiah ilmu dan agama sebagai panduan hidup. Sudah tentu Shamsiah tahu menjaga dirinya. Ibu dan bapanya bagaimanapun tidak percaya Shamsiah itu komunis.

Bagaimana keadaan Shamsiah sekiranya dia kembali?

Saya rasa dia akan minta maaf dan sanggup menerima apa sahaja hukuman yang kerajaan akan kenakan. Dia sanggup terima apa sahaja sekarang. Dan saya fikir Shamsiah telah bertaubat dan tidak akan melibatkan diri dalam apa-apa perjuangan lagi. Dia akan menghabiskan hayatnya dengan kembali kepada agama. Saya sendiri boleh membantu dan menasihatkannya sekiranya dia kembali ke Kuala Pilah.

Datin Sakinah Junid

Kawan Sekolah Shamsiah dan Wanita Berani di dalam PKMM

Datin Sakinah Junid dibariskan dalam senarai pemimpin wanita terkenal sejak peringkat awal penubuhan PKMM di Ipoh. Dia merupakan ketua AWAS cawangan Perak. Allahyarham Ahmad Boestamam Ketua Pemuda PKMM atau API, mengagumi semangat dan kegigihan Datin Sakinah.

Peristiwa yang menyebabkan rasa kagumnya ialah semasa Datin Sakinah dengan lantang dan penuh semangat, berjaya menggerakkan beratus-ratus wanita yang sedang menunggu bas, berjalan kaki sahaja sejauh 10 km untuk menghadiri perhimpunan di Padang Rengas; setelah bas yang dijadualkan tiba tidak diberi permit oleh pihak British.

Sepanjang perjalanan di tengah panas terik itu, mereka bernyanyi dengan lagu-lagu yang menaikkan semangat. Dan Datin Sakinah pasti dikenang oleh ramai orang kerana peristiwa bersejarah ini.

Dalam hubungannya dengan Shamsiah, Datin Sakinah mengenali Shamsiah sejak bersekolah. Datin Sakinah merupakan pelajar senior dua tahun daripada Shamsiah, di sekolah agama Padang Panjang, Sumatera. Beliau rapat dengan Shamsiah apabila sama-sama aktif di dalam AWAS – pada tahun 1946 - 1948.

Berusia lewat 60-an, beliau kini tinggal di Kuala Lumpur bersama-sama suaminya Dato' Haji Asri Muhammad dan anak-anak.

Berikut adalah inti sari wawancara kami dengannya:

Bila mak cik mula mengenal Shamsiah?

Mak cik mula mengenal dia semasa bersekolah di Padang, Sumatera dulu. Bagaimanapun mak cik tidak sekelas dengannya. Mak cik agak dia lebih muda daripada mak cik. Oleh kerana tidak sekelas, mak cik tidak berapa bergaul sangat dengan dia. Kalau tak salah mak cik dia aktif dalam Pandu Puteri sebab itu kami kenal agak rapat.

Bagaimana peribadi Shamsiah yang mak cik kenal sewaktu itu?

Shamsiah ternyata sangat kasihan tanahair. Sewaktu menyanyikan lagu 'Indonesia Raya' setiap pagi kelihatan dia begitu bersemangat.

Bagaimana tentang pidato, kata orang Shamsiah sangat petah berpidato. Adakah kebolehan ini ketara semasa di sekolah tersebut?

Kalau masa sekolah dulu tu tak ada nampak sangat. Dia kelihatan macam budak biasa sahaja. Mungkin pasal mak cik tak berapa rapat sangat kerana tidak sekelas. Barangkali juga dia menyimpan minat berpidato ini sejak sekolah di sana, kerana di sekolah itu selalu ada latihan pidato atau bahas. Yang mak Cik tahu dia memang



Sakinah Junid.

seorang budak yang mempunyai semangat dan keazaman.

Saya tertarik dengan sukatan pelajaran di sekolah agama Rahmah al-Yunusi di Padang Panjang. Adakah sekolah-sekolah di Tanah Melayu masa itu yang setaraf dengan sekolah tersebut dalam usaha menyebarkan semangat kebangsaan?

Di Malaya mak cik tak tahulah. Seingat mak cik tidak ada tokoh-tokoh pejuang kebangsaan daripada kalangan wanita. Yang lelaki adalah. Lagipun mak cik tengok tak berapa ada sekolah-sekolah yang menanamkan semangat kebangsaan begini. Cara pendidikan nak menyedarkan orang Melayu di Tanah Melayu melalui sekolah memang tak ada. Sebab itu kita lambat sedar dan lambat merdeka berbanding dengan Indonesia.

Semasa di dalam parti pula, bila mak cik mula berjumpa Shamsiah?

Mak cik ingat mak cik berjumpa dengan Shamsiah semasa dia pergi kursus dengan Boestamam di Padang Rengas, akhir tahun 1945. Kemudian mak cik jumpa dia semasa kongres AWAS di Kajang. Masa itu mak cik jadi pengerusi tetap persidangan itu. Shamsiah pula sebagai Ketua Umum AWAS.

Bagaimana Shamsiah di dalam parti?

Sudah tentu dia berbeza daripada masa sekolah dulu. Dia dah ada semangat dan keazaman mahu merdekakan Tanah Melayu. Nampaklah dia lebih lantang dan hebat daripada masa sekolah dulu. Tambahan pula tak ada wanita yang boleh bersyarah seperti

dia waktu itu. Jadi oleh kerana tak ada enggang, Shamsiah yang umpama belalang waktu itu pun bolehlah terbang juga. Memang boleh nampak tokoh pemimpin dalam dirinya.

Macam mana mak cik mentafsirkan matlamat perjuangan Shamsiah sehingga akhirnya terpesong dan menjadi komunis pula?

Mak cik rasa mereka yang masuk hutan seperti Shamsiah tu, mereka bukan berniat nak masuk komunis. Mereka cuma nak bekerjasama dengan komunis sahaja. Tentang menganut fahaman komunis tu mak cik fikir tak ada; sebab mereka tu ada ilmu agama. Cuma kerana perasaan cintakan ta-

nahair mereka rela masuk hutan dan berjuang dari dalam hutan.

Tidak ke semasa di dalam hutan tu mereka terpengaruh dengan komunis?

Itu pun mak cik tak faham tapi rasanya tidak mustahil mereka terpengaruh. Boleh jadi pemimpin-pemimpin komunis ini ambil kesempatan membangkitkan semangat terhadap perjuangan kebangsaan ini.

Mereka boleh kembali ke pangkal jalan kalau sudah terasa diperalatkan oleh komunis, mengapa mak cik fikir Shamsiah tidak keluar daripada hutan setelah sedar pengaruh komunis?

Mak cik fikir dia sedar tapi dia dah terlajak barangkali. Jadi susah nak undur diri.

Bagaimana hasratnya untuk kembali ke Malaysia, apa komen mak cik?

Kalau dia dah insaf, eloklah benarkan dia balik. Dia dah tua, lagipun kalau Musa Ahmad dapat diterima balik, mengapa Shamsiah tidak boleh? Apa pula lain dia daripada Musa?

Aishah Hussien

Shamsiah Mengambil Alih Ketua AWAS Daripada Aishah Ghani

Aishah Hussien dilingkungi orang-orang yang bersemangat kebangsaan. Daerah kampungnya - Hulu Langat - memang merupakan kawasan *hot spot* semangat kebangsaan pada tahun-tahun sebelum darurat.

Dua orang abangnya merupakan orang kuat API dan PKMM daerah Hulu Langat. Pucuk pimpinan PKMM seperti Dr. Burhanuddin Helmy, Ahmad Boestamam dan Ishak Hj. Muhammad (Pak Sako) kerap mengunjungi daerah Hulu Langat. Turut bersama mereka ialah Shamsiah Fakhir.

Semasa dalam tahun-tahun perjuangan ini, ramai di antara pejuang berkahwin sesama sendiri. Bagaimanapun Aishah Hussien hanya berkahwin dengan Pak Sako pada tahun 1953 selepas Pak Sako keluar tahanan. Malangnya mereka tidak ada anak hasil daripada perkahwinan ini.

Dalam usianya 63 tahun, Aishah Hussien kini menetap di Batu 10, Hulu Langat bersama-sama Pak Sako. Kenangan lebih 45 tahun yang lalu kami cungkil kembali. Inilah inti sari wawancara kami:

Bila mak cik mula kenal dengan

Shamsiah Fakhir?

Semenjak dia menjadi ketua AWAS. Sebelum itu Ketua AWAS ialah Aishah Ghani (sekarang Datin Paduka). Bila Aishah Ghani berhenti dia dan pimpinan PKMM mencari seorang ketua bahagian wanitanya. Jadi Shamsiah Fakhir sanggup. Khabarnya hanya sembilan bulan Aishah Ghani dengan Parti Kebangsaan, sebelum Shamsiah Fakhir mengambil alih.

Macam mana Shamsiah yang mak cik kenal?

Dia seorang yang pandai berpidato, seorang yang peramah, merendah diri, pendek kata sederhana. Kadang-kadang kami tidur bersama-sama semasa buat kerja dalam parti. Di mana-mana dia boleh bawa diri dia, kerana dia dah biasa susah.

Apa agaknya pengalaman yang boleh diingat ketika berjuang bersama-sama dia tu dalam parti?

Saya ingat lagi Shamsiah kata dia terima tanggungjawab sebagai ketua umpama akar. "Saya bukan pandai sangat, saya seperti akar, tak ada rotan akar pun berguna. Saya

malah belajar." Dia juga ada menyebut-
tentang perjuangan parti kebangsaan.
Kata dia "perjuangan kita ni panjang
masya. Bukan makan masa yang sekejap".

*Apa pengalaman pahit dalam perju-
an menyedarkan orang Melayu masa itu?*

Ada mak cik dan jawatankuasa termasuk
Shamsiah jalan tiga empat km., di Sg. Long,
dan di balik bukit, untuk mencari ahli, me-
nyedarkan rakyat. Kita wanita pada masa
jauh ke belakang kalau dibandingkan
dengan laki-laki.

Jalan kaki masuk ke dalam itu?

Jalan kaki. Tapi tidak pula rasa sebagai
pengalaman pahit, malah seronok pula, kita
orang-orang muda, sambil berjalan sambil
tergurau, sampai bernyanyi, sambil-sambil
sampai. Masa itu mak cik dah kahwin,
dengan Pak Sako, orang lain. Masa
mulut belasan tahun dah ikut kata ibu
dah kahwin.

*Bagaimana timbul kesedaran untuk
berjuang dalam parti, ada orang beri ga-
makan?*

Dulu masa parti ini ditubuhkan, orang
laki-laki berkewajipan membawa masuk
keluarga terdekatnya dalam parti. Macam
mak cik oleh kerana tak ada suami, abang
mak cik dua orang tu yang ajak mak cik
bergiat dalam parti.

*Mak cik menjadi jawatankuasa sama
dengan Shamsiah dalam AWAS, apakah
program yang diatur oleh Shamsiah
bersama-sama jawatankuasa dalam usaha
menyedarkan orang-orang kampung?*

Shamsiah mengatur program kesedaran

untuk wanita-wanita
kampung agar maju dari-
pada segi pemikiran dan
keilmuan. Wanita-wanita
kampung ini mesti didi-
dik supaya mengenal
dunia luar, bukan sekadar
ceruk dapur mereka sa-
haja. Shamsiah mengatur
kelas-kelas belajar me-
nulis dan membaca untuk
wanita buta huruf, kelas-
kelas memasak dan kelas-
kelas menjahit, kelas-
kelas berhias diri agar
wanita-wanita kampung
ini boleh bawa diri di
dalam majlis di mana
saja.

*Apa usahanya terha-
dap mendekatkan wanita
dengan bidang ilmu dan
maklumat?*

Tiap-tiap orang disu-
ruh membeli suratkhbar
untuk yang tahu memba-
ca, supaya mereka boleh
mengetahui persoalan
sekeliling dunia.

*Saya difahamkan wanita masa itu
merupakan orang-orang yang banyak
berjasa kepada parti kerana pandai
mengumpul wang untuk kepentingan parti.
Bagaimana mereka boleh mendapatkan
wang yang banyak untuk parti?*

Kita sedar orang-orang kampung mana-
lah banyak duit. Jadi cara yang kami laku-
kan ialah melalui sistem berdikit-dikit me-
ngumpul wang dan beras. Contohnya, da-
lam setiap pekerjaan yang dilakukan untuk
mencari nafkah, misalnya menoreh getah –
dapat duit getah asingkan sepuluh sen da-
ripada jumlah pendapatan setiap hari. Kalau
beras pula semasa nak masak tu, ambil se-
genggam simpan dalam bekas lain untuk
kepentingan parti. Berkat berdikit ini adalah
hasilnya. Jadi, banyaklah apabila semua
orang melakukannya. Duit-duit yang diku-
tip itu diberikan kepada bendahari kam-
pung, kemudian kepada mak cik sebagai
bendahari pusat. Kadang-kadang tak sampai
kerana mereka guna untuk kepentingan
tempat sendiri. Contohnya orang Singapura
siang-siang cakap tak boleh derma duit ke-
rana banyak guna duit di pulau itu.

*Pada masa Inggeris isytiharkan darurat,
ramai lari ke dalam hutan. Selain Musa
dan Shamsiah Fakih yang dapat lari ke
hutan, mak cik ingat siapa lagi yang dapat
lari?*

Ketua semuanya, Ketua Peta Wahi An-
nuar, Ketua Tani Musa Ahmad, Ketua Bu-
ruh Abdullah Sidi. Masa itu semua sama
umur. Pada tahun 1948 itu kami berumur
25 tahun.



Aishah Hussein.

*Pada fikiran mak cik pada masa itu
adakah lebih baik lari masuk hutan atau
lebih baik kena tangkap?*

Dua-dua tak mahu. Sebab dengan kera-
jaan British kedua-dua susah.

*Pada masa itu adakah pemimpin-pe-
mimpin PKMM yang tidak masuk hutan
dan tidak kena tangkap.*

Ramai, setengah tu ada ketua-ketua
kampung yang tahu dia baik, mereka dija-
min, tidaklah kena tangkap. Ada yang lari
ke Singapura dan ke Indonesia.

*Pada pandangan mak cik bagaimana
orang Melayu terpengaruh dengan komu-
nis?*

Dalam perjuangan kemerdekaan ini kita
bekerjasama dengan komunis. Kita bukan
mahukan ideologi mereka – cuma kerja-
sama daripada segi senjata dan strategi me-
nentang British. Kalau ada orang Melayu
terpengaruh mungkin semasa berjuang di
dalam hutan, sukar nak dijelaskan bagai-
mana keadaan mereka semasa hidup di
hutan. Semuanya mungkin kerana keadaan
dan masa. Kalau diberikan pilihan mereka
tentu tidak suka jadi komunis.

*Agaknya begitulah dengan Shamsiah?
Yalah agaknya. Kita hanya agak begi-
tulah.*

*Apa pandangan mak cik, Shamsiah nak
balik?*

Itu keputusan kerajaan. Tapi mak cik
fikir tak ada salahnya kalau dia sudah insaf.
Dia pun dah tua, eloklah dia balik.

**Shamsiah mengatur
program kesedaran
untuk wanita-wanita
kampung. Shamsiah
mengatur kelas-kelas
belajar menulis dan
membaca untuk
wanita buta huruf,
kelas-kelas memasak
dan kelas-kelas me-
jahit, dan kelas-kelas
berhias diri agar
wanita-wanita
kampung ini boleh
bawa diri di dalam
majlis di mana saja.**

Mengapa Shamsiah Dilarang Pulang?

“Secara peribadi saya benar-benar merasakan sentuhan rasa yang memilukan apabila rayuan daripada rasa keinsafan yang mendalam seorang insan yang bernama Shamsiah Fakhri ini. Dia mengharapkan belas kasihan pihak berkuasa agar dibenarkan kembali dan ingin mati di tanah tumpah darahnya, lebih-lebih lagi dalam umurnya yang sudah meningkat tua.”

Oleh TAN SRI DATO' A. SAMAD BIN IDRIS



Perjanjian perletakan senjata Parti Komunis Malaya pada akhir tahun 1989.

Sokongan saya agar Shamsiah Fakhri dibenarkan pulang ke tanahair dan dibebaskan bukan bererti dia bebas seperti seorang pelancong yang datang ke negara ini atau sebagai seorang rakyat Malaysia yang baru balik melancong dari luar negeri.

Kebebasan yang saya maksudkan samalah seperti yang diberikan kepada Musa Ahmad, Ibrahim Baba, Wahi Annuar, Zaiton dan ramai lagi orang Melayu yang terlibat dalam pemberontakan bersenjata komunis dahulu. Mereka semuanya telah menyerah diri beberapa tahun yang lalu dan dikenakan syarat-syarat pengampunan sebelum dibebaskan, tetapi mereka tidak dihukum melalui mahkamah.

Peristiwa menandatangani perletakan senjata anggota-anggota Parti Komunis Malaya (PKM) pada akhir tahun 1989 bererti, berakhirnya sudah pemberontakan bersenjata komunis di negara kita. Satu peristiwa yang menjadi kenangan sejarah hitam yang melanda negara sejak diisytiharkan Darurat pada 1 Februari 1948.

Meskipun undang-undang darurat telah

berakhir secara rasmi pada tahun 1960 tetapi pemberontakan bersenjata komunis belum berakhir terutama di sempadan Negeri Thai. Kalau Chin Peng, Rashid Maidin dan tokoh-tokoh besar komunis serta lebih seribu orang pengikutnya telah meletakkan senjata dan diberi pengampunan, mengapa tidak dengan Shamsiah Fakhri? Inilah soalnya.

Kalau disorot kembali peristiwa-peristiwa yang telah berlaku, pahit-maung dan padah yang telah menimpa rakyat Malaysia sejak berpuluh-puluh tahun akibat daripada perlakuan kejam pengganas komunis ini tentunya timbul perasaan dendam membara kerana tidak sedikit jiwa yang telah melayang dan penderitaan yang telah dialami terutama sanak-saudara dan keluarga mereka yang telah menjadi korban.

Tentunya kita semua masih ingat akan nama Musa Ahmad, tokoh utama PKM yang telah kembali ke pangkuan negara. Walaupun tempat tinggalnya dirahsiakan demi keselamatan dirinya, tetapi yang jelas dia telah bebas dan tidak menerima apa-apa hukuman.

Begitu jugalah hendaknya dengan

Shamsiah Fakhri, jika dia diberi kesempatan balik ke tanah tumpah darahnya sendiri. Proses pemulihan dan soal siasat perlu dilakukan sebelum dia dibenarkan menyedut udara kebebasan seperti halnya dengan rakan-rakannya yang lain.

Dalam soal ini saya tidak merasakan sesuatu yang berat dalam pertimbangan untuk memberikan kesempatan kepada Shamsiah Fakhri setelah kerajaan menerima perletakan senjata komunis dan memberikan pengampunan kepada pengganas komunis ini.

Shamsiah Fakhri menurut berita yang saya ketahui sudah meninggalkan perjuangannya dalam hutan sejak bertahun-tahun dahulu (masanya saya tidak tahu dengan tepat tetapi saya diberitahu

oleh seorang teman di Indonesia bahawa Shamsiah Fakhri telah menetap di Jakarta ketika Presiden Soekarno masih memegang kuasa pada awal tahun 60-an). Ini dapat diertikan ketika zaman konfrontasi hampir atau sudah bermula. Saya pernah ditunjukkan oleh teman ini rumah tempat tinggalnya bersama-sama dengan suaminya sekarang yang kalau tidak silap, namanya Ibrahim.

Sesudah Soeharto mengambil alih kepimpinan Indonesia dan seterusnya menjadi Presiden, Shamsiah dan suaminya telah meninggalkan Indonesia kira-kira dalam tahun 1963 atau 1964. Menurut beritanya mereka telah pergi ke Hanoi. Mengapa mereka meninggalkan Jakarta tidak pula diketahui, tetapi ada berita yang menyebutkan bahawa mereka tidak diingini oleh pemerintah kerana kegiatan pada masa lampau dengan komunis.

Tiba-tiba dua tahun yang lalu tersiar berita dalam *Utusan Malaysia* bahawa Shamsiah dan suaminya sudah berada di Beijing, China dan menyatakan keinginannya untuk balik ke Malaysia.

AWAS Pimpinan Shamsiah Mengatur Strategi Menentang Penjajah

Oleh FATINI YAACOB (Bahagian Keempat)

Kajian kali ini menekankan persoalan siapakah yang mempelawa Shamsiah menyertai PKMM serta pernikahannya kali ketiga. Persoalan pelawaan ini akan membongkar pula soalan lain — siapakah orang kuat di belakangnya atau siapakah *godfather* yang menonjolkan Shamsiah ke dalam PKMM yang dianggap istimewa?



Adakah dia diundang khas sebagai ketua AWAS? Pernikahan sebagai ketua AWAS (wanita) dengan ketua API (pemuda), merupakan penemuan baru dalam kajian ini. Pernikahan ini membawa erti yang jauh lebih istimewa kepada kemantapan serta kekuatan parti dan Shamsiah secara peribadi.

Penyertaan Shamsiah Fakih ke dalam Parti Kebangsaan Melayu Malaya (PKMM) pada kira-kira pertengahan tahun 1946 bukanlah secara tiba-tiba atau tanpa sedar. Shamsiah Fakih telah lama celik tentang perjuangan memerdekakan negara. Pelawaan orang-orang kuat PKMM supaya beliau menyertai perjuangan memerdekakan negara; dengan cara yang lebih tersusun diterima oleh Shamsiah dengan penuh azam.

Bagaimanapun fakta siapa sebenarnya yang membawa Shamsiah ke dalam PKMM menjadi tanda tanya. Saya mendapati terdapat dua sumber yang menyimpan maklumat tentang kemasukan Shamsiah. Sumber pertama daripada buku Ahmad Boestamam (sekarang Allahyarham). Dalam buku tersebut, *Merintis Jalan ke Puncak*, Ahmad Boestamam menceritakan bagaimana Shamsiah Fakih dibawa ke dalam PKMM.

Menurutnya Shamsiah diperkenalkan oleh Musa Ahmad (bekas Jawatankuasa Pusat PKMM, BATAS, kemudian bekas Pengerusi Parti Komunis Malaya) yang semasa itu bertugas di Seremban selaku Pesuruhjaya PKMM bagi Negeri Sembilan. Dipercayai Musa Ahmad mengenali Shamsiah semasa di sini.

Menurut Ahmad Boestamam, "Apabila Musa mengetahui tentang Ketua Jabatan Wanita Pusat sudah tidak ada lagi (Aishah Ghani meletakkan jawatan sebagai Ketua

Jabatan Wanitanya), dia lantas datang ke Kuala Lumpur membawa bersama-sama Shamsiah Fakih sekali. Dia mengusulkan kepada kami supaya Shamsiah diberikan jawatan sebagai Ketua Jabatan Wanita PKMM pusat itu. Berbagai-bagai yang dikatakannya untuk mempengaruhi kami. Pujiannya ke atas Shamsiah tinggi melangit."

Menurutnya lagi, "Dan kerana Shamsiah memang boleh bertugas, apatah lagi pandai pula berpidato sehingga tidak kalah daripada Aishah Ghani, maka apa yang diusulkan oleh Musa Ahmad itu kami terima. Demikianlah mulanya Shamsiah Fakih mengambil alih jawatan sebagai Ketua Jabatan Wanita Pusat itu".

Sumber yang kedua tentang kemasukan Shamsiah dalam PKMM saya perolehi daripada Aishah Ghani (sekarang Datin Paduka Hajah) sendiri. Sewaktu diwawancara, beliau menyebutkan kisah bagaimana Shamsiah boleh terlibat dengan PKMM dan mengambil tempatnya selaku Ketua Wanita.

Menurut beliau sebelum berhenti daripada mengetuai AWAS beliau telah diminta mencari orang lain bagi menggantikan tempatnya. Beliau teringatkan Shamsiah kerana semasa tinggal bersama-sama kakaknya di Kuala Pilah beliau sering bertemu Shamsiah. Beliau telah lama mengenali Shamsiah kerana belajar bersama-sama di sekolah di Padang Panjang, Sumatera Barat.

Sewaktu bertemu Shamsiah di Kuala Pilah, Shamsiah memintanya menolong mencari pekerjaan.

Beliau kemudian mendapatkan Shamsiah di Kuala Pilah dan membawa beliau ke Kuala Lumpur. Beliau telah menghadiahkan Shamsiah sepasang kasut merah setelah melihat keadaan Shamsiah yang hidup serba susah selepas pemerintahan Jepun itu.

Menurut Aishah Ghani, apabila sampai ke pejabat PKMM, "Semua yang ada di situ nampaknya seronok menerima Shamsiah yang ketika itu berumur 21 tahun. Ahmad Boestamam yang ada di situ ketika itu, terus mengusik dengan mengatakan 'Mak Inang, pandai cari' (Mak Inang adalah nama ruangan pojok yang dikendalikan oleh Aishah Ghani dalam akhbar PKMM, *Pelita Malaya*). Pada ketika itu Aishah Ghani terus meninjau, "Shamsiah orangnya tahan dan boleh pergi jauh."

Cara Shamsiah dibawa masuk ke dalam PKMM sebenarnya penting untuk dikaji dan kemungkinan berkaitan dengan perjuangan Shamsiah selepas darurat. Bagaimana hal ini akan dijelaskan dalam keluaran DM akan datang. Yang nyata di sini Shamsiah mempunyai kedudukan yang istimewa dan tersendiri dalam parti. Shamsiah tidak masuk secara biasa atau sebagai ahli biasa. Dia terpilih dan diundang khas bagi memikul tanggungjawab sebagai Ketua Wanita PKMM (atau nama singkatan yang lebih popular — AWAS — Angkatan Wanita

Sedar). Ini merupakan pengiktirafan terhadap keupayaan dan bakat kepimpinan yang ada padanya.

Kalau tanpa sebarang kebolehan dan bakat kepimpinan yang terserlah tidak mungkin Shamsiah boleh diterima dan terus diangkat menjadi Ketua AWAS. Dengan rupanya yang cantik, gayanya yang kemas, ditambah dengan kehebatan pidatonya Shamsiah dengan mudah dapat menakluki hati pimpinan lelaki di dalam PKMM untuk berjuang bersama-sama mereka. Tambahan pula Shamsiah kini janda, setelah bercerai dengan Rusdi di Bagan Serai. Gelaran janda ini memudahkan gerak dan langkahnya untuk bersama-sama pimpinan lelaki ke serata negeri menubuhkan cawangan AWAS.

Pada zaman anak dara masih dipingit, kebolehan menekat dan memasak yang lebih diutamakan daripada menuntut ilmu, peraturan pergaulan yang ketat di antara lelaki dan wanita serta tugas wanita hanya untuk menunggu kahwin dan menghasilkan sebanyak-banyak zuriat, Shamsiah bangun memecah kekolotan ini. Dengan berganding bahu bersama-sama kaum lelaki, beliau menyedarkan kaum wanita dan lelaki tentang hak-hak dan peranan besar mereka dalam mencorakkan masa depan negara.

Menurut Ahmad Boestamam lagi dalam bukunya, "Di bawah tadbir Shamsiah, wanita PKMM tambah teratur susunannya dan maju gerakannya. Bukan sahaja di negeri-negeri wanita PKMM ada, bahkan di kampung-kampung juga."

Shamsiah selaku Ketua AWAS sering bergerak bersama-sama dengan bahagian pemuda di dalam PKMM atau API (Angkatan Pemuda Insaf) di bawah pimpinan Ahmad Boestamam; ke merata negeri. Se-

Galeri: Mahan Chik

Pidato-pidato Shamsiah mengandungi isi yang merangsang semangat dan menyedarkan wanita-wanita kampung tentang keperluan membangunkan diri masyarakat dan memerdekakan negara daripada penjajah.

hinggakan setiap negeri yang mempunyai cawangan API akan tetap ada cawangan AWASnya.

Isi Pidato Shamsiah

Pidato-pidato Shamsiah mengandungi isi yang merangsang semangat dan menyedarkan wanita-wanita kampung tentang keperluan membangunkan diri masyarakat dan memerdekakan negara daripada penjajah. Sebagai seorang ustazah, Shamsiah merangsangkan fikiran mereka dengan dalil-dalil daripada al-Quran dan hadis tentang kedudukan dan peranan wanita di dalam Islam. Sirah Rasulullah dengan kegiatan isteri-isterinya di luar rumah dan menuntut ilmu sering dijadikan contoh sebagai penguat hujahnya.

"Isteri Rasulullah s.a.w. yang paling muda - Saidatina Aishah adalah orang yang

begitu dalam ilmunya terutama tentang hadis. Dan beliau menjadi pakar rujuk hadis yang terkenal selepas kewafatan Rasulullah. Imam-imam besar Islam yang kesemuanya lelaki merujuk kepada beliau. Bukti ini sudah jelas menunjukkan bahawa kedudukan dan peranan wanita jauh lebih besar dan bermakna daripada hanya dapur dan anak-anak. Oleh itu marilah kita bersama-sama menuntut ilmu kerana ilmu itu tidak hanya untuk lelaki tetapi juga diwajibkan untuk wanita."

Shamsiah juga sering mengingatkan wanita dalam pidatonya "Untuk mengejar kemerdekaan, kita harus berganding bahu dengan lelaki. Kita tidak boleh berpisah dengan lelaki kerana kita umpama sayap kiri dan lelaki umpama sayap kanan. Sekiranya sayap kiri tidak bergerak, sayap kanan tidak boleh terbang."

Dalam waktu-waktu yang lain terutama apabila majlis pidatonya umum dan terbuka untuk lelaki Shamsiah seringkali menekankan soal kesedaran membebaskan tanahair daripada penjajah. Beliau akan membuka pidatonya dengan pendedahan pelbagai sistem pemerintahan yang ada di dunia ini seperti komunis, kapitalis, sosialis dan demokrasi. Beliau juga mendedahkan tentang negara-negara di Asia yang lain yang turut berjuang membebaskan negara daripada penjajahan seperti Burma, India dan Vietnam. Sementara Indonesia telah pun berjaya melalui perjuangan berdarahnya; memproklamkan kemerdekaan.

Dengan pekikan "Merdeka" dan pekikan perjuangan "AWAS!" yang tersendiri (sewaktu pekikan ini diteriakkan, tangan kanan digenggam dengan jari telunjuk ditegakkan seperti isyarat memberi amaran) Shamsiah berjaya membakar semangat penduduk kampung di mana-mana sahaja dia berada; menyebabkan cawangan AWAS berkembang dari hari ke hari.

Sumbangan Besar AWAS Kepada PKMM

Oleh kerana PKMM adalah parti politik yang dianggotai oleh golongan rakyat biasa dan bukan diasaskan daripada kalangan bangsawan atau elit Melayu, parti ini sering menghadapi masalah kewangan untuk melicinkan pergerakan dan perkembangannya.

PKMM dapat bergerak dengan derma dan jualan akhbar lidah rasminya *Pelita Malaya* dan *Suluh Malaya*. Akhbar-akhbar ini seringkali menyiarkan nama-nama



Shamsiah Fakih (kiri) memegang sepanduk bersama-sama Habsah (isteri Pak Sako): Berarak sempena Kongres PKMM di Melaka.



Shamsiah Fakih (berdiri di meja) sedang berucap di Stadium TPCA, Kampung Baru Kuala Lumpur, 1946.

orang yang menderma kepada parti di muka hadapannya.

Pembiayaan makan minum dan tempat tinggal pemimpin parti didapati melalui wang tabung hasil derma orang ramai. Selain daripada itu mereka akan meminta setiap negeri yang didatangi oleh pimpinan PKMM agar membiayai segala perbelanjaan untuk menjimatkan wang tabung.

Shamsiah Fakih bersama-sama Jawatankuasa Pusat AWAS yang terdiri daripada setiausaha, Zainab Mahmud (kini Allahyarham, isteri Musa Ahmad); Bendahari, Aishah Hussein (isteri Ishak Hj. Muhammad sekarang); Fatimah Hj. Abu Kassim (Jawatankuasa Penerangan), Rahman Hj. Hussien dan ahli-ahli jawatankuasa lain mula memikirkan cara bagaimana mereka boleh mencari jalan mendapatkan wang untuk kegunaan parti.

Rumah ibu Aishah Hussien di Hulu Langat Selangor, seringkali menjadi tempat perjumpaan dan mesyuarat wanita AWAS. Tempat itu menjadi pilihan kerana keadaannya yang lebih selesa dan ibu Aishah yang "tidak kisah". Kebetulan pula dua abangnya turut serta bergiat di dalam parti. Fatimah Abu Kassim yang juga Ketua AWAS Jenderam (sebuah kampung orang Minang yang terkenal di Selangor kerana seluruh orang kampung dipindahkan oleh British ke Kluang, Johor dan rumah-rumah dibakar semasa darurat) semasa perjumpaan di rumah tersebut mencadangkan supaya AWAS mendapatkan wang melalui cara yang telah dijalankan di kampungnya.

Menurut beliau sewaktu diwawancara, adalah sukar untuk mengutip wang dengan sejumlah yang tertentu pada sesuatu masa kerana pendapatan penduduk kampung kecil atau tidak menentu. Oleh itu dia mengesyorkan supaya kaum wanita yang bekerja sawah atau menoreh getah memperuntukkan dalam tabung sejumlah kecil wang daripada hasil pendapatan sehari.

Untuk yang tidak bekerja; ketika mereka memasak, wanita-wanita tersebut diminta mengasingkan segenggam beras setiap kali

memasak ke dalam satu bekas supaya boleh dikumpulkan pada hujung bulan. Beras yang terkumpul ini boleh dijual bagi mendapatkan wang dan diserahkan kepada parti.

"Cara berdikit dan mengumpul ini memberikan pulangan yang baik setiap bulan kepada kewangan parti." Demikian penjelasan Fatimah Abu Kassim.

Shamsiah Fakih setuju dan kemudian menggerakkan jawatankuasanya, berasaskan idea ini untuk meminta kerjasama agar



Zainab Mahmud bekas setiausaha AWAS, juga isteri kepada Musa Ahmad (kiri) dan Aishah Hussein isteri Pak Sako sekarang.

seluruh cawangan dan negeri bergerak aktif mengumpul wang melalui cara ini. Selain daripada itu pada setiap kali mesyuarat Shamsiah meminta supaya wanita boleh menderma apa saja yang terdaya sama ada wang atau barang-barang kemas.

Ada di antara wanita-wanita ini yang melucutkan rantai, cincin atau subang yang dipakai untuk dijual bagi mendapatkan wang untuk kegunaan parti. Walaupun sayu namun masing-masing berbangga dapat berbakti kepada parti.

Melalui kutipan bulanan seperti ini AWAS memberikan sumbangan yang besar kepada parti. Selain disedarkan tentang perjuangan kemerdekaan, mereka juga disedarkan tentang pengorbanan wang ringgit,

tenaga dan kalau perlu darah dan nyawa untuk mencapai cita-cita kemerdekaan.

Shamsiah Bernikah Dengan Ahmad Boestamam

Koleksi: Maman Chik

Fakta ini tidak ramai diketahui oleh orang awam sehingga kini. Hanya beberapa orang yang rapat dengan pucuk pimpinan parti mengetahui hal pernikahan Shamsiah dan Ahmad Boestamam.

Saya mendapat fakta ini daripada adik angkat Shamsiah Fakih – Ustaz Hashim Ghani, kemudian disahkan oleh orang lain di dalam parti seperti Aishah Ghani, Wahi Annuar, juga Ishak Hj. Muhammad (Pak Sako).

Ahmad Boestamam sendiri pun langsung tidak menyebut tentang hal pernikahan ini di dalam bukunya. Beliau hanya menyentuh tentang Shamsiah sepintas lalu sahaja dan melebihi pula kisah Datin Sakinah Junid dalam bab "Tenaga Wanita



dalam PKMM". Padahal penglibatan Shamsiah dan sumbangannya tidak ternilai kepada parti dan masyarakat khususnya kaum wanita Melayu ketika itu. Tidak diketahui apakah motif sebenar beliau menyembunyikan fakta ini; boleh jadi beliau tidak mahu mengaitkan soal peribadi dengan perjuangannya.

Bagaimanapun kisah pernikahan Shamsiah - Ahmad Boestamam merupakan satu hal yang sangat menarik. Pertama: kerana ini adalah perkahwinan ketiga Shamsiah dan kedua pasangan ini sama-sama terkenal dan sama hebat orangnya dalam perjuangan parti.

Shamsiah cantik, lantang dan berapi pidatonya – sementara Ahmad Boestamam

pula segar, tahan uji dan tegas dengan pidato yang boleh menggegarkan dan menggugah semangat pendengarnya. Gandingan kedua-duanya ini memberikan kekuatan yang tersendiri kepada parti.

Ahmad Boestamam mungkin telah lama menyimpan rasa terhadap Shamsiah. Kemungkinan besar sejak pertama kali diperkenalkan oleh Aishah Ghani sebagai penggantinya. Menurut beberapa orang yang saya temui yang mengetahui sejarah perkahwinan ini, Shamsiah dikatakan sering menggiat dan mencabar Ahmad Boestamam sebagai pemimpin kuat API kerana sumbangan anggota-anggota API tidak jelas seperti anggota-anggota AWAS kepada parti.

Shamsiah hanya olok-olok dan tidak bermaksud apa-apa. Bagaimanapun Boestamam menerima cabaran ini dan terus berazam memberhentikan kata-kata sinis Shamsiah dengan menjadikan Shamsiah sebagai isterinya.

Menurut Haji Manan Chik, bekas Setiausaha PKMM Negeri Sembilan, pernikahan mereka berlangsung sebaik sahaja Kongres Kedua PKMM di Melaka pada 25 Disember 1946. Tidak siapa pun yang saya temui dapat mengesahkan tarikh pernikahan mereka yang rasmi, tetapi berkemungkinan dilangsungkan pada awal Januari 1947.

Ustaz Hashim Ghani selaku Ketua API, Kuala Pilah bersama-sama Jawatankuasa Pemuda API-nya menjadi pengiring Ahmad Boestamam pada majlis pernikahan tersebut. Rombongan pengantin lelaki menumpang di rumah Shamsuddin Salleh (Allahyarham) Jawatankuasa Pusat (Buruh) PKMM di Jalan Bahau, Kuala Pilah. Ru-

Koleksi: Manan Chik



Shamsiah Fakhir (kiri), Ahmad Boestamam, Burhanuddin Helmy dan Jaalam Osman pada 1.12.1946 di Kuala Pilah.

mah ini terletak kira-kira lima km dari rumah Fakhir Sutan, ayah Shamsiah.

Pernikahan ini turut disaksikan oleh orang-orang kampung yang dijemput ke majlis kenduri pernikahan ini. Lebih daripada 100 orang kampung datang memeriahkan majlis itu. Bapanya sendiri Fakhir Sutan menikahkan mereka. Selepas pernikahan ini mereka berdua kembali pagi esoknya ke Kuala Lumpur bagi meneruskan perjuangan. Perkahwinan ini ternyata memberi era baru dan makna yang tersendiri kepada Shamsiah yang memang menginginkan seorang suami yang memahami perjuangannya.



Haji Manan Chik bekas Setiausaha PKMM Negeri Sembilan.

Mengapa Perjuangan PKMM Ditiadakan dalam Sejarah Kemerdekaan?

"Sejjarah kemerdekaan Malaysia harus dinilai kembali. Pengiktirafan yang tinggi harus diberikan kepada mereka yang berkorban menentang penjajah dari dalam hutan. Kemerdekaan Malaysia bukan diperoleh sepermainan yang disangka oleh banyak orang..."

Inilah jeritan-jeritan klise yang telah lama dilaungkan oleh bekas nasionalis radikal yang masih hidup hari ini. Jeritan-jeritan ini masih kedengaran walaupun Malaysia telah 33 tahun merdeka! Benarkah demikian layanan yang diterima oleh golongan nasionalis radikal terhadap perjuangan memerdekakan negara? Kalau benar, apakah begitu buruk layanan yang mereka terima? Apakah sebenarnya yang terse-

bunyi di sebalik politik sebelum kemerdekaan?

Seluruh laporan penyiasatan Shamsiah Fakhir ini sebenarnya cuba mencari jawapan terhadap persoalan-persoalan ini. Kepada generasi muda yang lahir selepas merdeka, ini adalah cabaran yang besar terhadap kematangan menilai sejarah dan usaha mendapatkan maklumat. Bagi kebanyakan pihak, persoalan-persoalan di atas terlalu sensitif dan pada aspek lain melibatkan pula keselamatan negara.

Perjuangan kemerdekaan, konsep Melayu Raya, nasionalis kiri, nasionalis kanan, PKMM, PKM, Umno "Merdeka dengan darah!", "Hidup Melayu! Sehingga ke titisan darah terakhir!", hartal, darurat,

komunis, gerila dan pengganas, adalah perkataan-perkataan biasa sebelum merdeka.

Bagi generasi ketika itu, perkataan-perkataan ini membawa erti yang sungguh bermakna. Sebagaimana banyaknya perkataan-perkataan tersebut, dengan latar belakang yang berbeza dan sejarah yang tersendiri demikianlah kompleksnya melihat sejarah perjuangan kemerdekaan. Di tengah kemelut kemerdekaan ini tidak hairanlah kalau ada pihak-pihak yang berusaha untuk memadamkan jasa sesuatu pihak demi kepentingan politik, kuasa dan nama.

Penubuhan PKMM

Untuk melihat perjuangan golongan nasionalis radikal atau 'kiri', kita harus bermula daripada sejarah penubuhannya. Kita juga harus memahami bahawa istilah kiri yang dimaksudkan di sini ditujukan kepada parti-parti yang tidak bersetuju un-



Mokhtaruddin Lasso: Salah seorang pengasas PKMM.

tuk bekerjasama dengan British atau berpendirian *non-co-operation* dengan British.

PKMM diasaskan penubuhannya oleh Mokhtaruddin Lasso, Ahmad Boestamam dan Musa Ahmad; di Ipoh, Perak pada bulan September 1945. Walaupun menurut bukunya Ahmad Boestamam mengatakan bahawa parti ini bukan lanjutan daripada KMM (Kesatuan Melayu Muda di bawah pimpinan Ibrahim Yaakob), namun jelas sekali bahawa ahli-ahli jawatankuasa penaja terdiri daripada bekas-bekas anggota KMM. Begitu juga corak perjuangannya. Mereka yang dimaksudkan ialah Ahmad Boestamam sendiri, Musa Ahmad dan Ibrahim Karim. Musa Ahmad adalah lulusan Sekolah Agama al-Mahsyoor yang terkenal di Pulau Pinang, serta Sekolah Lanjutan Anglo-Chinese di negeri yang sama. Menurut pengakuan beliau sewaktu penyerahan diri pada tahun 1980 beliau mengikuti kelas-kelas doktrin komunis sejak tahun 1945. Ini bererti kelas yang diikutinya selari dengan penyertaannya dalam PKMM.

PKMM merupakan parti radikal nasionalis yang akhir sebelum merdeka; atau yang ditubuhkan selepas Perang Dunia II. Sebelum itu telah ada Kesatuan Melayu Muda di bawah pimpinan Ibrahim Yaakob

dan beberapa pertubuhan rasmi dan tidak rasmi daripada golongan berpendidikan agama dan orang perseorangan yang menentang penjajah.

Penubuhan PKMM sebenarnya menurut Ahmad Boestamam dalam bukunya *Merintis Jalan ke Puncak* dicituskan oleh Mokhtaruddin Lasso yang berasal dari Indonesia dan bekas ahli MPAJA (Malayan People's Anti Japanese Army). Dia juga dikenali sebagai ahli Parti Komunis Malaya (PKM). Kedatangannya ke Tanah Melayu mungkin kerana malarikan diri dari Indonesia. Dia datang ke pejabat *Suara Rakyat*, akhbar terbitan Ahmad Boestamam dan kawan-kawannya, bersama-sama dengan seorang ahli PKM Arshad Ashaari.

Hasil perbincangan mereka lahirlah PKMM dengan pimpinan Mokhtaruddin Lasso (Yang Dipertua), Dr. Burhanuddin Helmy (NYDP walaupun dia tidak hadir), Dahari Ali (Setiausaha), Arshad Ashaari (Bendahari) sementara Ahmad Boestamam sebagai Jawatankuasa Pemudanya. Dalam kongres pertamanya (Disember 1945) Mokhtaruddin Lasso tidak muncul, akhirnya Burhanuddin Helmy kekal sebagai Yang Dipertua PKMM.



Ahmad Boestamam.



Musa Ahmad.



Dr. Burhanuddin Helmy.

Perlembagaan PKMM

PKMM sejak ditubuhkan mengisytiharkan matlamatnya untuk mencapai kemerdekaan penuh atau 100 peratus bagi Tanah Melayu. Ini bererti mereka tidak mahu kemerdekaan *bersyarat* daripada British. Mereka tidak mahu British mengekalkan kepentingan mereka di Tanah Melayu

setelah merdeka. Pendirian mereka ini lebih dikenali sebagai *non-co* dengan British.

Perlembagaan PKMM menyebutkan:

- o Untuk menyatukan bangsa Melayu dan menanamkan semangat kebangsaan dalam jiwa orang Melayu dengan matlamat besar untuk menyatukan Malaya dengan Indonesia sebagai Republik Indonesia Raya.
- o Untuk memperjuangkan kebebasan bersuara, akhbar, perhimpunan dan kebebasan menyebarkan pengetahuan.
- o Untuk meningkatkan ekonomi orang Melayu dengan menegakkan industri, perdagangan dan pertanian.
- o Untuk memperjuangkan kebebasan dalam pertanian yang bermaksud cukai tidak dikenakan kepada tanah-tanah pertanian dan petani bebas jual hasil pertanian sesuka hati mereka.
- o Untuk memperjuangkan kebebasan mutlak untuk Melayu, mewujudkan sekolah-sekolah kerajaan, menggunakan bahasa mereka sebagai bahasa pengantar.
- o Untuk menggalakkan penerbitan buku yang akan mendaulatkan demokrasi dan dalam masa yang sama mengembangkan kedudukan politik Melayu dan jiwa kebangsaan.
- o PKMM harus menghubungkan silaturahmi dengan kaum-kaum lain di negara ini untuk membentuk Malaya yang bersatu dan makmur sebagai rakan komponen Republik Indonesia Raya.

- o Menyokong pergerakan nasionalis Indonesia untuk mencapai kemerdekaan.

Ciri-ciri Menarik PKMM

Dalam memperkatakan tentang PKMM beberapa ciri yang menarik tentang parti ini harus diperhatikan. Pertama: PKMM bukan sahaja berpendirian tidak akan

bekerjasama dengan British dan mahukan kemerdekaan 100 peratus malahan berhasrat untuk menjadikan Tanah Melayu sebuah republik dan mencantumkan Tanah Melayu dengan Indonesia menjadikan Republik Indonesia Raya; di bawah konsep "Melayu Raya".

Dalam usaha merealisasikan gagasan ini, PKMM mengambil bendera kebangsaan Indonesia – Sang Saka Merah Putih sebagai bendera parti; lagu kebangsaan Indonesia Raya sebagai lagu kebangsaan PKMM yang sering dinyanyikan dalam perhimpunan PKMM.

Gagasan ini mungkin kelihatan janggal pada masa ini. Bagaimanapun sewaktu itu gagasan ini dirasakan wajar kerana hubungan Indonesia - Malaysia telah terbentuk sejak berabad dahulu sebelum penjajahan, terutama semasa keagungan empayar kesultanan Melaka. Ramai di antara orang Tanah Melayu mempunyai saudara di Indonesia dan sebaliknya.

Semasa perjuangan mencapai kemerdekaan di Indonesia, ramai di antara rakyat Tanah Melayu ikut berjuang dengan buluh runcing. Ada pula pihak yang membuktikan Tanah Melayu turut membekalkan senjata kepada golongan nasionalis Indonesia semasa itu. Jadi gagasan tersebut bukanlah satu hal yang patut dipersoalkan.

Ciri kedua yang menarik ialah: penglibatan golongan anggota Parti Komunis Malaya (PKM) dari sejak awal parti ini ditubuhkan. Harus juga diperhatikan di sini bahawa PKM merupakan organisasi yang dihalalkan semasa itu dan komunis tidak menjadi perkataan yang 'dimomokkan' atau 'digeruni' orang. PKMM merupakan pertubuhan ideologi biasa yang walaupun bertentangan dengan Islam daripada segi prinsipnya tetapi diterima oleh orang Melayu akan kelainan dan kehadirannya. Ini tidak bermakna orang Melayu menerima faham komunisme untuk dianuti. Yang pasti komunis bukan ditakuti seperti kebanyakan orang memahaminya hari ini – satu kejayaan hasil *psy-war* British semasa darurat diisytiharkan.

Ciri ketiga yang tidak kurang menariknya ialah: PKMM diasaskan oleh golongan rakyat biasa dan bukan daripada kalangan bangsawan. PKMM juga diterajui dan dianggotai oleh kalangan rakyat biasa yang berlatarbelakangkan pendidikan agama, Inggeris dan Melayu. Cantuman latar belakang 'marhain' dan pelbagai jenis pendidikan ini bagaimanapun memberikan kekuatan yang bermakna kepada PKMM. Keanggotaan ini sama sekali berbeza dengan keanggotaan dan kepimpinan Umno (ditubuhkan setahun lewat daripada PKMM) yang pada peringkat yang sama dianggotai oleh golongan yang berkedudukan di dalam masyarakat.

Bagaimanapun penubuhan PKMM disambut baik oleh masyarakat Melayu yang ketika itu tidak mempunyai satu pun

pertubuhan Melayu bercorak nasional. Sesuai dengan sambutan baik tersebut, struktur organisasi PKMM berkembang pesat dalam masa tidak sampai setahun. Perkembangan pertama: pada penubuhan sayap Pemuda yang digelar Angkatan Pemuda Insaf (API) pada 17 Februari 1946, di bawah pimpinan Ahmad Boestamam. Penubuhan API diasaskan secara kebetulan hanya kerana mahu perarakan PKMM di Ipoh diiringi oleh pemuda-pemuda berpakaian seragam tentera.

Penubuhan API

Ahmad Boestamam mengusahakan pemuda-pemuda siap dengan pakaian seragam, lilitan lengan, lambang API dalam masa dua hari untuk mengetuai perarakan PKMM tersebut. Selepas itu API terus

akhbar *Suara Rakyat* dan *Voice of People* di Ipoh.

Penubuhan Umno

Penting juga disebut dalam masa kebangkitan PKMM sebagai sebuah parti kebangsaan orang Melayu, tujuh bulan kemudian lahir Umno pada 1 Mac 1946. Umno (Pertubuhan Kebangsaan Melayu Bersatu) mendapat nama hasil himpunan badan-badan Melayu yang berselerak di seluruh Tanah Melayu yang dipanggil menghadiri Kongres Melayu Pertama di Kg. Baru pada 1 Mac 1946. Kongres ini menentang *Malayan Union* yang dicadangkan oleh British ke atas Tanah Melayu. PKMM semasa itu turut diundang. Semasa dibahaskan, PKMM mempertahankan usul "menolak *Malayan Union* tetapi meminta



Perarakan PKMM sempena Kongres Kedua PKMM di Melaka, Disember 1946.

dikekalkan dan Ahmad Boestamam terus kekal menjadi ketua API. Walaupun ditimbulkan secara kebetulan, API berjaya dibentuk oleh Ahmad Boestamam menjadi 'barisan pendesak' yang semi tentera dan semi militan dengan slogan "Merdeka dengan darah". API berjaya menakutkan British; sehinggalah API merupakan badan politik pertama diharamkan oleh British sebelum darurat. Sebelum itu, Ahmad Boestamam pernah ditangkap oleh British kerana buku perlembagaan API – *Testamen Politik API*. Bagaimanapun dia tidak dipenjarakan kerana berjaya membayar denda.

Perkembangan kedua: perpindahan ibu pejabat PKMM ke Kuala Lumpur dari Ipoh. Perpindahan ke pusat pentadbiran Malaya, pusat kedua selepas Singapura ini mempercepatkan perkembangan pengaruh PKMM di kalangan rakyat serata negara. Perkembangan ketiga: penerbitan akhbar lidah rasmi iaitu *Pelita Malaya* dan *Suluh Malaya* di Kuala Lumpur selain daripada


kemerdekaan penuh daripada British." Bagaimanapun usul ini ditolak oleh kongres.

Pada masa tersebut perkataan merdeka belum wujud di kalangan pertubuhan Melayu tersebut. Yang ada hanya slogan 'Hidup Melayu.' Hasil daripada kongres inilah baru ditubuhkan Umno. Agak aneh apabila diperhatikan pertubuhan ini yang memperjuangkan hidup Melayu menggunakan bahasa Inggeris sebagai akronimnya.

Presiden Umno yang pertama ialah Dato' Onn Jaafar, daripada keluarga bangsawan iaitu anak Menteri Besar Johor ketika itu.

Pemisahan PKMM Daripada Umno

PKMM masih menganggotai Umno sehingga ke saat mesyuaratnya yang kedua pada Jun 1946 di Ipoh. PKMM menarik



Koleksi: Manan Chik

Perarakan API di Melaka semasa Kongres Kedua PKMM, 1946.

diri daripada Umno dengan alasan pemberian undi yang kecil kepada PKMM sebagai sebuah badan yang besar. PKMM disamakan taraf seperti badan-badan Melayu lain yang kecil. Bagaimanapun ini hanya merupakan strategi untuk keluar daripada Umno kerana sepatutnya PKMM menarik diri daripada kongres pertama; yang menolak usul kemerdekaan cara PKMM sejak awal-awal lagi. Menurut Dr. Burhanuddin, PKMM mahu "memberikan peluang dan membuktikan keikhlasan untuk mempertahankan perpaduan di kalangan orang Melayu untuk kepentingan kebangsaan."

Pemisahan PKMM dan Umno adalah berdasarkan prinsip perjuangan. PKMM berjuang untuk kemerdekaan penuh dan marhain sifatnya. PKMM juga bertujuan menubuhkan republik Melayu yang bererti menghilangkan kuasa golongan feudal.

Sebaliknya Umno pada tahap itu melancarkan 'hidup Melayu', boleh bertolak ansur dengan British dalam soal kemerdekaan dan tidak menyetujui kuasa golongan feudal dihapuskan.

Gagasan Persekutuan Tanah Melayu

Perpecahan PKMM dan Umno memberikan ruang yang baik kepada British untuk memilih pertubuhan mana yang *moderate* dan boleh dibawa berunding. British mengambil kesempatan ini untuk mengadakan rundingan dengan golongan yang dipilihnya – sultan-sultan dan Umno., untuk membentuk gagasan baru iaitu Persekutuan Tanah Melayu bagi menggantikan gagasan Malayan Union.

Wakil-wakil yang terpilih ke persidangan tersebut iaitu enam orang daripada pihak British, empat orang sultan dan dua orang wakil daripada Umno. PKMM tidak diberikan tempat sebagai pertubuhan Me-

layu yang berpengaruh di kalangan rakyat Melayu terbanyak. Dalam hal ini, Ishak Hj. Muhammad (Pak Sako) selaku Naib Yang Dipertua PKMM dalam *Malaya Tribune* (8 Januari 1947) mempersoalkan tentang gagasan Persekutuan Tanah Melayu. "A cleverly camouflaged British Colony and Breeding Ground of Imperialism." Beliau juga mempersoalkan tarikh kemerdekaan yang tidak dinyatakan, bendera kebangsaan, lagu kebangsaan, tentera kebangsaan dan persediaan-persediaan lain yang berbentuk kebangsaan untuk kemerdekaan pada masa depan dari British.

Ishak juga mempertikaikan kedudukan Umno dan keanggotaannya dalam jawatankuasa kerana mendapat hak yang begitu eksklusif untuk mewakili rakyat terbanyak. Beliau menuduh Umno "... tidak mewakili majoriti Melayu. *Members of remaining associations that are still affiliated to Umno mostly memasuki pertubuhan melalui jalan ancaman atau coercion.*"

Dengan penarikan diri PKMM daripada Umno, orang Melayu mempunyai dua parti yang berbeza dengan dua prinsip perjuangan yang berlainan; walaupun matlamatnya sama iaitu kemerdekaan Tanah Melayu. Dengan Umno dibawa berunding dalam Jawatankuasa Kerja Pembentukan Persekutuan Tanah Melayu itu dan meninggalkan PKMM, ternyata PKMM tidak mempunyai pilihan lain untuk terus berjuang dengan gigih menentang British dan bersaing dengan Umno; walaupun bukan itu yang dikehendakinya.

Tuduhan Akhbar "Pro-British"

Akhbar-akhbar pada tahun-tahun tersebut rancak membicarakan persoalan tersebut. *The Straits Times* yang diterbitkan di Singapura yang ternyata menjadi 'lidah tidak rasmi' *penjajah* memperkatakan

tentang perjuangan PKMM yang tidak realistik dan hanya angan-angan kosong. Dalam salah satu ruangan editorialsnya *The Straits Times* menyebutkan PKMM yang berjuang untuk kemerdekaan dan berkerajaan sendiri sebagai "lack of realism and practicality".

Menjawab tuduhan ini seorang pembaca dalam ruangan surat daripada pembaca (*The Straits Times*, 7 Disember 1946) yang menggelarkan diri sebagai "MNP Member" menyelar penulis editorial tersebut yang tidak tahu apa-apa tentang PKMM ataupun Umno. Tetapi dalam pada tak tahu itu ia lebih cenderung menyokong UMNO. Beliau dengan sinis mengatakan: "We stand for the dumb Malays

masses and the down-trodden impoverished peasantry; the Umno is interested in the conservative diehards and the selfish decadent aristocracy."

PKMM melihat masa depannya kabur dalam usaha menentang penjajah sekiranya parti-parti Melayu yang ada tidak digabungkan. Lama sebelum ura-ura penggabungan ini dibuat, API telah tegak sebagai sebuah badan politik pemuda yang tersendiri dan Barisan Tani SeMalaya atau BATAS telah diwujudkan demi kepentingan petani-petani Malaya.

MATA pula atau Majlis Islam Tertinggi pimpinan Ustaz Abu Bakar al-Bakir yang berpengaruh di Semanggol Perak turut ditubuhkan. Demikian juga Hizbul Muslimin di Semanggol, sebuah parti Islam yang juga diasaskan oleh Ustaz Abu Bakar.

Penubuhan PUTERA

Pertubuhan-pertubuhan ini yang juga kiri sifatnya tidak akan dapat berdiri lama sekiranya tidak bersatu. Akhirnya pada 22 Februari 1947, di markas pusat PKMM di Kuala Lumpur terbentuklah PUTERA atau Pusat Tenaga Rakyat. Badan-badan kiri yang bergabung di bawah PUTERA ini terdiri daripada PKMM, API, AWAS, BATAS, Hizbul Muslimin dan GERAM (Gerakan Angkatan Muda) sebuah gerakan pemuda kiri yang berpusat di Singapura.

Di antara badan-badan ini hanya GERAM sahaja yang tidak merupakan badan "nukleas" daripada PKMM. Ishak Hj. Muhammad dipilih sebagai pemimpin gabungan tersebut. Kedudukan PKMM dengan gabungan badan-badan kiri Melayu atas nama PUTERA memberi sedikit kekuatan kepada PKMM pada akhirnya. Bagaimanapun pada tahap ini PKMM masih belum berjaya menarik perhatian British terhadap kemerdekaan melalui cara yang mereka kehendaki. British lebih memihak kepada Umno yang sifatnya lebih elitis dan tidak radikal.

SHAMSIAH FAKIH

Pertama Kali Bertemu Rakyat Malaysia Setelah 43 Tahun!

Shamsiah Fakih kini berada di Changsha, Hunan di negara Republik Rakyat China. Ramai tidak menyangka kami akan dapat bertemu beliau. Tetapi itulah kenyataannya. Kami temui Shamsiah Fakih bersama keluarganya di rumahnya sendiri di China pada 20 November 1991 yang lalu. Untuk sampai ke negara China dan bertemu Shamsiah, bagaimanapun, banyak rintangan yang terpaksa kami tempuhi. Ikutilah laporan Fatini Yaacob, dengan bantuan Zaiton Nasir dan Goh Him San (juru bahasa).



Shamsiah Fakih

Pelbagai persoalan tentang Shamsiah terpaksa dijawab daripada pembaca dan orang perseorangan. Soalan yang paling utama ialah mengapa Shamsiah diketengahkan? Jenuh kami menjawabnya. Sebenarnya kami mengambil peluang atau kesempatan untuk menulis sesuatu yang berkaitan dengan komunis setelah perjanjian damai antara kerajaan dan Parti Komunis Malaya (PKM) dimeterai pada bulan Disember 1989.

Jadi dalam konteks komunis dan kaitannya dalam perjuangan mencapai kemerdekaan untuk Tanah Melayu, Shamsiah Fakih merupakan kes kajian yang paling baik. Baik kerana beliau insaf terhadap keterlanjuran menyertai perjuangan komunis dan menanggung penderitaan yang tidak sudah-sudah. Dan oleh sebab itu kami

memilih Shamsiah dan bukan orang lain dalam PKM.

Selain itu, kami ingin menilai sejauh manakah sumbangan Shamsiah dalam perjuangan kemerdekaan negara. Kami juga mahu melihat sejauh manakah Shamsiah terpengaruh oleh komunis. Dalam masa yang sama kami juga ingin melihat sejauh manakah pula komunis berjaya mempengaruhi masyarakat Melayu dan menembusi benteng agama. Semua ini penting sebagai bahan penilaian sejarah.

Kami Tidak Mendewakan Shamsiah

Kami telah menjelaskan pada keluaran pertama (Februari 1991) sewaktu riwayat hidup Shamsiah Fakih disiarkan buat pertama kali bahawa kami sama sekali tidak berniat mendewa-dewakannya, atau menjadikannya seorang srikandi. Yang kami ingin paparkan adalah sesuatu yang benar, adil dan objektif tentang Shamsiah. Kami tidak berniat untuk membuat tuduhan melulu serta fitnah terhadap Shamsiah ataupun terhadap sesiapa jua. Jadi amatlah tidak adil apabila tulisan tentang Shamsiah belum

selesai lagi, ada orang-orang tertentu cuba menilai tulisan kami dengan keras dan mengatakan bahawa kami tidak tahu menilai sumbangan dan jasa seseorang terhadap negara dan bangsanya.

Perlu diingat bahawa tidak ada sesiapa pun yang berminat atau mahu menulis tentang Shamsiah sehalus yang dilakukan kini. Kalau adapun tulisan tentang Shamsiah sebelum ini, hampir semuanya merupakan tuduhan melulu yang lebih banyak menggambarkan 'kekejamannya'. Sekurang-kurangnya walaupun soalan kami mengarah kepada komunis dan pemahaman kami terhadap komunis seperti pemahaman kedai "kopi" – penyertaan Shamsiah dalam perjuangan komunis adalah satu fakta dalam hidup Shamsiah Fakih dan bukan fitnah yang kami timbulkan terhadapnya.

Kesukaran Mendapat Maklumat

Untuk mendapatkan bahan bertulis atau maklumat lisan daripada kaum keluarga ataupun kawan seperjuangan dan kenalan-nya agak sukar. Laporan polis perisik British juga tidak pernah menyebutkan nama



Ibrahim Mohamed, suami Shamsiah

Shamsiah Fakih. Kalau adapun yang dapat ditemui hanya nama pemimpin-pemimpin besar Parti Komunis Malaya (PKM) seperti Abdullah C.D., Rasyid Mydin, Musa Ahmad, Wahi Annuar atau Kamaruzzaman Teh.

Hal ini menjadi satu tanda tanya yang besar. Sekiranya peranan Shamsiah begitu hebat dalam PKM, begitu berani bertempur dan kejam membunuh – termasuk membunuh anaknya sendiri – tentulah ada namanya tercatat dalam laporan-laporan polis pada zaman British. Tetapi fail polis perisik British tentang Shamsiah di *Public Office Record* di London, dan juga di Arkib Negara tidak ada. Mungkinkah ada fail yang masih ber-cop “Rahsia” yang tidak siapa pun dapat membukanya?

Kaum keluarganya pula tidak semuanya menggemari diri mereka

dikaitkan dengan Shamsiah; terutama adik-adik perempuannya yang masih kecil sewaktu Shamsiah masuk ke hutan. Saya menghadapi cemuh dan hampir dihalaui daripada rumah adik perempuannya hanya kerana menyebut nama Shamsiah, dan mahu bertanya perasaan-perasaannya terhadap Shamsiah.

Walaupun terkejut dengan reaksi beliau, terpaksa diterima juga hakikat bahawa bukan mudah bagi mereka membezakan antara pertalian darah dengan kegiatan kakaknya yang tidak berkaitan dengan mereka.

HUNAN

Ibu Negeri Changsha

Keluasan

Changsha: 3,950 kaki persegi

Jumlah Penduduk

Hunan – 60 juta; Changsha – 13 juta

Tempat-tempat Menarik

Bukit Yudu, Pulau Juzi, menara Tianxin, kediaman Mao-Tse-Tung

Mata Wang


\$1 – ¥1.91 (Renminbi)

Tanaman Utama

Padi, keledak, kentang, lada


Industri Utama

Besi, keluli, barangan kejuruteraan elektrik, tekstil, kerja tangan, barangan elektrik.





Shamsudin Ibrahim, anak sulung Shamsiah



Shamsiah bersama cucunya, Jamaliah

Maklumat daripada Tiga Orang

Bagaimanapun saya sangat beruntung kerana bekas suaminya yang pertama – Yassin Kina, di Tampin, adiknya Haji Ramli Sutan di Gombak, dan adik angkatnya Haji Hashim Ghani di Kuala Pilah, masih mengingati kisah-kisah silam dan dapat memberikan maklumat yang jelas terhadap perjalanan riwayat hidup Shamsiah daripada kecil hingga sebelum menjadi Ketua AWAS.

Riwayat hidup beliau semasa dalam PKMM bagaimanapun tidak sepenuhnya diingati oleh kawan-kawannya. Saya mengutip cebisan ingatan kawan-kawan seperjuangannya di sana sini termasuk daripada bekas suaminya Wahi Annuar. Saya yang sekali orang yang paling rapat dengan Shamsiah hingga ke China – Musa Ahmad dan isterinya Allahyarhamah Zainab – tidak dapat ditemui. Sewaktu memohon bantuan daripada Musa Ahmad, ternyata beliau tidak dapat membantu menjelaskan beberapa perkara yang kabur tentang peranan Shamsiah Fakih semasa di hutan, dan semasa tinggal di China.

Barangkali ada hal-hal yang tidak wajar

diketahui oleh masyarakat umum tentang perjuangan komunis di hutan atau di negara China; kerana itu beliau masih tidak dapat membantu.

Satu hari nanti mungkin beliau akan sudi meluangkan waktu untuk berkongsi pengalaman demi kebaikan dan pengajaran kepada generasi baru. Yang pasti tiada siapa memiliki pengalaman hidup seperti beliau yang begitu bermakna dan berwarna yang boleh dimanfaatkan untuk kebaikan bersama.



Rohani, isteri Kamaruddin

Masalah Untuk ke China

Usaha untuk mewawancara Shamsiah di negara China tidak menjadi masalah kepada pihak kami, kerana Shamsiah telah menyatakan persetujuannya untuk diwawancara melalui surat. Dan kami memang mengharapkan siri penulisan riwayat hidup Shamsiah itu dapat ditamatkan dengan wawancara beliau.

Sayangnya untuk pergi ke China, keadaan tidak semudah yang dijangka. Oleh sebab beberapa masalah teknikal, urusan untuk mewawancara Shamsiah tertangguh kemudian pada saat-saat terakhir, penerbangan ke China terpaksa dibatalkan. Hanya setelah beberapa perkara dapat diselesaikan baharulah segala yang diharapkan menjadi kenyataan.

Bertemu Shamsiah di China

Urusan masuk ke negara China tidak banyak masalah. Berbekalkan buah tangan berupa kain batik, wajik serta dodol dari keluarga Haji Ramli Fakhri, adik kandung Shamsiah, kami bertiga bertolak ke China. Penerbangan mengambil masa empat jam ke Guangzhou.

Walaupun kami tidak mengharapkan Jamaluddin (anak bongsu Shamsiah) menunggu kami di lapangan terbang Guangzhou, namun kami berasa lega kerana sewaktu mencari-cari teksi, Jamaluddin menegur kami dengan ramah. Saya segera mengenali beliau kerana gambarnya telah pernah saya lihat.

Dari Guangzhou kami menaiki pesawat lain pula untuk ke Changsha. Penerbangan itu hanya mengambil masa satu jam setengah; dan kapal terbang tersebut penuh sesak dengan penumpang sama seperti penumpang yang menaiki kereta api di China. Begitu ramai rakyat China!

Di Changsha kami disambut oleh isteri Jamaluddin, Pan Han Jian ataupun Rohani (nama Islamnya). Beliau boleh berbicara dalam bahasa Melayu yang baik. Beliau belajar bahasa Melayu daripada suami dan kedua-dua mentuanya.

Kami hanya bertemu dengan Shamsiah pada keesokan harinya – 20 November 1991 – sungguh mengharukan dan menggemakan pertemuan itu. Saya berkata "setelah mengkaji tentang riwayat hidup Mak Cik saya rasa seperti sudah 10 tahun mengenali Mak Cik". Beliau ternyata sangat gembira kerana buat pertama kali bertemu rakyat Malaysia sejak beberapa tahun. Beliau seolah-olah seperti melihat "Malaysia" apabila melihat kami.

Bahasa Melayunya masih baik – masih seperti orang Melayu "bercakap Melayu". Dan dia masih ingat loghat Minang. Umurnya 67 tahun. Masih tidak terlalu tua untuk mengingat banyak peristiwa. Bagaimana pun beliau kerap terlupa tentang peristiwa yang berlaku sepanjang hidupnya. Sering-



Cucu Shamsiah: Jamaliah (di hadapan), Rosemaria dan Suria

kali Ibrahim Mohamed (suaminya) mengingatkan Shamsiah. Hasil daripada perkongsian hidup, mereka dikurniakan tiga orang anak lelaki – Shamsuddin, 34, Kamaruddin, 33, dan Jamaluddin, 31 tahun. Shamsiah mempunyai dua orang menantu perempuan bangsa China (isteri Jamaluddin dan isteri Kamaruddin – Shamsuddin telah bercerai dengan isterinya), dan tiga cucu perempuan, daripada tiga anak lelakinya.

Yang paling menarik, Shamsiah dan keluarganya merupakan satu-satunya keluarga Melayu di Hunan – sebuah wilayah di China dengan penduduk sebanyak 60 juta orang! Oleh itu hakikat bahawa mereka masih boleh berbahasa Melayu, dan tidak lupa akan adat istiadat Melayu sungguh mengagumkan, lebih-lebih lagi mereka terpaksa menghadapi cabaran bahasa dan budaya setiap hari.

Sejak kecil lagi anak-anaknya didedah-

kan dengan tulisan dan bahasa Melayu. Paling menakutkan, cucunya Suria yang berumur 8 tahun, sangat fasih berbahasa Melayu dan baku pula. Suria hanya belajar bercakap dan menulis dalam bahasa Melayu daripada nenek dan datuknya di rumah.

Sebenarnya semasa menjalankan tugas ini, kami sangat sedar akan tugas dan peranan kami untuk mendapatkan maklumat yang objektif daripada mulut beliau sendiri terhadap berbagai-bagai tanda tanya, dan peristiwa yang menjadi persoalan. Kami juga ingin melihat cara hidup dan keadaan kehidupannya sekeluarga di sana.

Tugas kami sebenarnya selesai setelah segala soalan kami terjawab dan setelah keadaan kehidupannya sekeluarga di sana kami perhatikan.

Ikutilah wawancara penuh dengan Shamsiah Fakhri di China dalam keluaran bulan hadapan....